


A 1 2 3 4 5 6 M 8 9 10 11 12 13 14 15 B 17 18 19



2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100



京都大學

93 0488

圖書

南宋理宗年号

前序北山隆公
信庵陳公
後序竹溪林希
述

佛果 佛日 大惠宗果

國悟克勤

佛照 佛心

拙菴征光

佛智 枯崖悟

徑溪廣聞

上卷五十五章

中卷五十一章

下卷四十九章

枯崖和尚漫錄序

石銘偃銘愛人物崇儒教

覽於端嘉諸老暮年靈

題於余尤親密評商述位

石溪蜀眉火名心月嗣開掩室三嗣松源 徑溪 國候官林氏子 廣南 兩珠 浙翁

漫毛句 水漫 漫物

又汗漫 漫 漫



落無歸嘗道枯崖仲簡
于王老歛後俱掌記徑山
前富於文惜早為枯崖
清苦憤髮王宗有自余

喝石品夾洗玉簪花一開秋
風騷然或笑曰禪和子纔見
以花貽愛德寒寒無計東馳
西騷獨枯崖生破面恆然每

新被品上同宿月涼
雪霜看山相與月中耿
余出錦路報忘功延平舍
清如身稍睽五月コ月五枯山崖集

同時日史記問者河溢音居陳切

杜若貢切引也

古成錄渡銘妻其西取校家
皆有杜久之安後村謂何
時者名乃主論竹路謂它
時共僧寶傳枯山崖南海

藝錄相訪適余遷光孝
寺廟西門別少枯崖獨
也泉南興福寺起感王為
之刊梓以叙夫多石正眼為

入後杖送致高標激貪吏
儒倫見乎此目思石銘
屋太白乃刻仲宣字非庵光
良品所勝安定諸人舊

徑及捧畫後山酬應不韻

亦不果枯崖當按挾其

遺ツキツテ還ツキ彙集俾五燈之後

復見一燈光明燭天下チカク望

漫錄云乎式枯崖名

惺福之福清人咸淳八年

仲春北山紹隆書于鼓

山老禪庵

度宗年号



門額

興

卷之八

昔偃溪佛智禪師住靈隱寺
多臨安相與往來神交道契
非一日知枯崖之名久矣未
曾眉毛厮結偶寓于孤因過
興福寺一見元是屋裏人恬
淡寡言真脫偃溪印子來頃

春秋桓十四年夏五

聞相峯癸亥歲歸徑山夢室
哀集平昔所聞見宗宿之道
機緣示眾法語及殘編短碣
名字未至于燈者隨所筆名
曰漫錄其志有在呈似僊溪
破此敝字下世于事客重其是歲夏

五忽謂曰將謂所述者勅紀
談雜錄資談柄耳今閱之則
異且所收機語皆有控入之
處已用筆點下餘則刻卻且
囑宜珍藏之予雖不見是錄
而未暇扣忽得起座元携元

其來過系必為疑釋請信庵一
轉語予詳復數四雖枯崖得
之所聞所見必編集成傳或
讀或拈或看語或紀實一一
自曾襟流出豈是依牽葫蘆
則知枯崖和尚所集者皆發

蘊積之美玉而非凡璞佛智
禪師所點者皆選之盤之遺
珠而非魚目予更贅語恐反
生玉之瑕而為珠之類矣起
元請之力不獲已并垂一足
助彼畫蛇噫漫錄一出何異

揚雄之草玄取譏於人雖於
後世必有子雲者出咸淳王
中夏清漳信庵陳叔震序



善慧軒

枯崖和尚漫錄卷上

圓通宗照庵主因木庵初到泉南館是庵一日具威
儀問曰某甲愚鈍乞師指箇見處木庵指向前香爐
曰見麼照曰見庵曰見處如何照曰某甲不會庵曰
又道見也照悚悟流汗浹背自此杜門四不出一衲
白結韻致高古莫能親疎之

前王侯傳杜門字本
作嚴說文曰閉也
祝髮谷哀十三年
曰一父身祝斷也
僧削髮亦曰一

聞山禽叫省悟

慈慧祖派禪師溫陵張氏子祝髮於開元羅漢寺參
文闕西之嗣宗岱餘宗舉僧問雲門如何是正法眼
答曰普又僧問如何是正法眼答曰瞎子作麼生會
派罔措由此焦慮忘飢寢一夜坐至子刻聞山禽叫

一聲省悟。黎明求宗印證。纔入門便喚曰和尚宗曰子來作麼。派曰東家杓柄長西家杓柄短。宗曰子夜來發顛耶。派曰是和尚顛。是某甲顛。宗下禪床擒住曰見什麼道理。派曰伏惟和尚尊候萬福。宗托開曰還我前日話頭來。派作女人拜復呈頌曰問正法眼。答曰普瞻萬里清風一溪明月。今香泥像留於里之四松爲緇素欽仰焉。

黃莊定公祖舜晚尤淡薄。留心禪宗。因觀傳燈悟入。述偈曰六載留心讀釋書。幾回紙上被模糊。今朝放下都無事。只是從前箇老夫。仕至執政爲紹興名巨。

且能證徹此道。未許裴李專美於前矣。

浙翁佛心禪師初到雙徑。見大慧之嗣仁公。扣以當時千七百衆。咨決之要。得狗子無佛性話。默領去過台之報恩。求決於佛照。夜參闢舉。世尊鞭影語曰見鞭影而行。非良馬也。言下省悟。且日入室。閉不思善。不思惡。正恁麼時。如何是琰上座本來面目。曰佛手遮不得。復隨侍證老衲於番陽。聞旁僧商量雲明話墮語云。那裏是這僧話。墮颺然淚見佛照。從前機用佛照每語又曰我握拂柄以來的契吾機者惟琰尔。後佛照佛心接武。住凌霄法席俱盛。如佛日猶在。

時也佛心塔在潤東詳見誌銘

興化軍瑞香烈庵主本郡不號幻住叟妙年奇逸飽
叢林久參等庵後得東庵發明心要歸鄉居虎丘巖
餘十年有山居小詠其一曰客來詢秘密幽鳥語聲
喧此意分明甚何消我再言嘉定間郡守以東塔招
之不出及移錫瑞香得東庵訖舉哀拈香云向來信
采遊江外業風吹到明州界望著聲頭老拙庵暮遭
毒手相殃害猛虎出林不足威蜿蜒當路未為恠虛
空激揚火星飛流布叢林惡聲在死中得活復歸來
冷地思量真耐耐近聞筋斗已倒翻且喜吾平吾道

六
泰姓香聊以表殷勤償却拳頭竹篋債大衆只如佛
照和尚既然與麼且道只今是雪屈耶是酬恩耶說
着雖非直半文誰知却有通人愛瑞香得處分明確
守其志不肯應世如梨勒宰於水光林影中想見其
高風逸韻令之意消

鐵鞭留禪師因密庵開室直趨前曰箇是選佛場心
空及第歸今日相見處大地起風雷作麼生是相見
底事庵不答又曰十二時中有箇漢把劍來截將你
頭去爭奈渠何亦不答遂擡一坐具曰遇這冤家不
打更待何時亦不答退身唱三聲喏曰捉得賊頭我

達李磨到請鈞旨庵方豎下拳示之曰領鈞旨翻筋
斗使出庵入室罷告衆曰適來有箇漢牙如劍樹口
似血盆手把一條垂條如鐵鞭相似老僧親遭一下
汝等諸人切須照顧自此號曰鐵鞭六年爲林菴務
侍者

萬庵柔禪師示衆云有句無句如藤倚樹荆棘林中
開活路樹倒藤枯句歸何處生鐵秤鎚被虫蛀泥盤
放下笑呵呵殺人劍與活人刀若是金毛獅子三
千里外見請訛佛生曰云周行七步已入邪路目顧
四方開眼尿床拍天拍地有甚巴鼻唯我獨尊猶是

兒孫畢竟浴他箇箇什麼良久云珊瑚枕上千行泪
半是思君半恨君閱此數語履霜知冰踐露知暑矣
密庵雖門戶嚴緊而接又甚盛豈有吞舟之鱗能漏
網耶

林堂璵禪師預木庵室一日侍次忽逢其怒曰你在
此作什麼夏制將蒲西來意作麼生會繞擬吞被劈
口打一掌且厲聲曰速道速道繞擬吞又被打一掌
忽省發汗下禮謝而去自此諸方號弘法道者莫不
往參激晚住吳門聖因益馳聲譽白髮垂肩叢林呼
爲聰白頭云

真源慧日禪師字明可方峻超卓頌黃龍三關云我
手佛手冀箕掃帚拈起便行誰分先後我脚驢脚步
步踏著踏破虛空一任下度人人有箇生緣屋漏聖
見青天昨夜泥牛勃跳帶累金剛發顛應庵見之歎
曰真黃龍的骨孫也頌竹篋子云半載出師當古塞
將軍正馬意崢嶸不知打破重城了空把軍閤不放
行大慧聞曰此黃龍兒孫亦解我楊岐下說話真源
嘗問僧曰佛以一大事因緣出見於世如何是一大
事因緣僧無語復引諭而謂之曰如一顆明珠頓在
朝天門灞頭市裏千千萬萬人行過不見忽有一箇漢

遇着便叫云我快活只是這箇道理會麼初住杭之
多福後住昇之興教明之香山乃天台萬年雪巢一
村僧嗣語言宗旨本水之有本原也雪巢別帖云專
介之來收書且喜被臨安命遴選出世仍審別後新
領住持道休康安深以為慰中間赴長蘆欲得相見
知已入院入言多福政在於潛新城深山中只成悵
然而已我身畔別無入甚望汝歸來奈何已出佩空
王印事要兩全則難矣且勉力向前行道不可恣縱
自也令厚却薄他人軟暖淡薄汝亦深悉之今之住
院多如此可相信也若到秋間我定要歸天台萬年

觀音別院必作長往計無因見汝且自保順世間人
情使祖道光顯至祝普灯只載其嗣法法常首座
受堂妙湛禪師依水庵於杭之淨慈為水頭淨頭一
日於寺前舉扇化錢忽然猛省因忘縮臂旁僧訶曰
猊子扇上有錢了通身汗出掖歸白水庵而印可之
亦有頌示之云一堆屎上一尊佛放出毫光照天地
鑊湯爐炭裏生蓮只因洗面摸著鼻為肯堂首衆日
新福師王公度遊山與論契合到福以黃檗招之後
赴吳門守趙公彥楠承天之請方順寂愛堂安吉人
朴野絕文飾間發語言如枯柴人不及見惜哉

臨安府徑山少林佛行菴禪師生於建之浦城徐氏
受業於夢筆峰等覺瑞世於安吉報本嗣東庵道聲
四馳未幾起住杭之淨慈上堂舉僧問鹽官如何是
本身廬舍那官云與我過淨鉢來僧提淨鉢至官云
復安舊處着拈云鹽官八萬四千毛竅竅竅俱開三
百六十骨節節節欲斷可惜這僧如夢相似上堂舉
洞山云初秋夏末兄弟東去西去直向萬里無寸草
處去後來潯陽庵主道出門便是草大陽云不出門
亦漫漫地拈云同聲相應同氣相求則不無三大老
子細檢點將來總是藤蛇繞足且利害在什麼處誰

知雲外千峰頂。別有靈松帶雨寒。上堂云。是法不可
示言。辭相寂滅。春葩千萬叢。春山千萬疊。正與麼時。
釋迦老子。打失鼻孔。是汝諸人。還知麼。喝。一喝。下座。
上堂云。欲得太用。見前。直須頓忘。諸見。諸見若盡。昏
霧不生。大智洞明。更非他物。遂舉拂子云。看看。若道
見頭上安頭。若道不見。斬頭。覓活。畢竟如何。良久云。
洎合錯。下注脚。喝。一喝。下座。既退席。過武康宴山。接
待寺。寧廟尤重佛法。嘉定間。再得旨董南山。即詔
延和殿登對。賜號佛行禪師。金襴袈裟。龍綵至矣。
臨安府淨慈肯堂充禪師。餘杭人。嗣顏萬庵風規。肅

敗方顧切說文
賈賤賣貴者
徐曰善敗者早
則資舟水則聚
車人棄我取与
常情反
頌古拈古如使
錢不必多也

整望尊。一時頌即心。即佛云。美如西子離金闕。嬌似
楊妃下玉樓。終日與君花下醉。更嫌何處不風流。曹
山喫酒云。販海波斯入大唐。先將珍寶暗埋藏。却來
伸手從人覓。爭奈難瞞有當行。舉萬庵先師有語云。
坐佛床。斫佛脚。不敬東家孔夫子。却向他鄉習禮樂。
拈云。入泥入水。則不無先師。爭奈寒蟬抱枯木。泣盡
不回頭。卓拄杖云。灼然有不回頭底。肯堂向升子裏。
禮你三拜。昔大滄佛性謂頌古拈古。要奢儉得所。如
人解使錢。不必多也。善讀有堂語者。當自知之。
寶峰端庵主。又侍佛照。見其頌女子出定。因緣有悟。

入廬一日造丈室於座左側叉手而立少頃便出照
呼來前曰有什麼辨白端不於右側叉手而立照喝
端趨出照頷之端怕怕如鄙人居小庵無宿給戶外
之屨常滿同門如權孤雲印鐵牛致書招之不出
少吉州烏回月林觀禪師性純誠無矯飾福之候官
黃氏子初為牧童鞭叱牛有省屏童血投雪峰忠道
者出家謁荆南二聖戒準得度見澧州證老衲獲其
法初造室聞舉話云若能轉物即是如來面前香臺
作麼生轉曰築著磕著被叱去後隨侍過饒之薦福
看雲門話墮又十年一日繞蓮池行自誦云那裏是

這僧話墮忽大徹塗毒在徑山迦庵在華藏皆有
善致之分座頌洞山麻三斤云脣上碧斑賓豹搏舌
頭當的帝都丁頻呼小王元無事只要檀郎認得聲
嘉泰間瑞世吳門聖因遷承天萬壽學者輻湊住身
回示疾目猶再啟入室且曰桂花開時吾將行俾其
徒預結夏制已而桂花盛開嘉定丁丑四月十三日
也叅前入室再鳴鼓普說眾集定拈拄杖云有拄杖
與拄杖無拄杖奪拄杖眾中莫有會底出來道看眾
無對擲下拄杖危坐書偈而寂闍世七十五坐夏五
十一闍維舍利不可計焉傳命世宗師歟死生如雲

松源

六

行鳥飛初無留礙烏回夏中入戒桂盛開如其言此
尤見其超絕奇瑞明驗更非荷負大法精一力乎
曹源生禪師在信之龜峰示衆云從朝至暮鍾魚鼓
板爲諸人發上上機了也若信得及塵沙諸佛在諸
人脚跟下踴跳若信不及龜峰拾得口喫飯拍禪床
下座真黃龍所謂如數世富人一錢不虛用耳
松源岳禪師初入閩見乾元木庵父之辭去木庵舉
有句無句如藤倚樹源曰裂破曰琅邪道好一堆爛
柴灘曰矢上加尖曰吾兄下語老僧不能過其如未
在他日拂柄在手爲久不得驗久不得曰爲人者使

黃楊禪

中峯密庵
塔在天童名中
峯

博地九夫一超入聖域固難矣驗久者打向面前過
不待開口已知渠骨髓何難之有庵舉手曰明明向
汝道開口不在舌頭上後當自知逾年源見密庵於
衢州西山隨問即答庵笑曰黃楊禪爾後在徑山問
庵問旁僧不是心不是佛不是物忽大徹乃曰今日
方知木庵道開口不在舌頭上源生處之龍泉吳氏
開法蘇臺澄照慶元間被旨住靈隱門庭高峻入
者鮮不爲大器烏虜松源破庵曹源萬庵豈非起中
峰之道者耶

大梅止翁祥禪師無用嗣子示衆云瑞岩示衆絕支

莊子吉祥止

古往今來

乙

離栗棘金圈劈面揮直下有入吞透得更須來喫頂門鎚語言質直如其人住山規模尤過人

月林觀禪師會中有一社多衲明得俱脫一指話且曰吾老矣須再來歸寂後三十餘年月林在湖之報本夜夢開室舉俱脫話見社多衲造室豎一指明且室內舉前話孤峰秀公時在且過中趨入亦豎一指月林曰社多衲再來矣

福唐明首座號寂照飽參聰敏久侍空叟於四明玉几叟感風疾累年左右相繼皆去照服勞益勤叟常囑以福鮮不宜出世為久歸里為鑑絕照首眾鼓山

復日再辭也

將送也詩百五

帥李公俊以大雲峰招乏辭以偈云箇是皇朝無事僧談禪說道總無能頽然送日猶嫌贅敢把虛名玷祖燈絕照勉其出復曰願做閑人述偈云恰露半頭原畔立故人底事又相逢柴門去此無閑鑰佛若來時却弗容即日遁去後寓閩清白雲學者景向又數年帥趙公希濬盡禮以雪峰迎請照以書授小師圓庵主辭謝不赴帥封沉香為供將以四句云道人高卧挽不來凜凜清風起惺惺太守無由親問道辦香聊寄小師回寂照三十餘年守一破紙被見地明白遵記荊而恥表襮依林藪而安寂寥始卒不易使爭

競名位販賣佛祖者聞其風亦可以少愧矣
浙翁佛心禪師示如璨法語云本色道流十二時中
六根門頭空牢牢地如一面軒轅寶鑑胡來胡現漢
來漢現選甚真如涅槃菩提煩惱以至世間虛幻情
欲逆順是非一一照破直是汙染不得若也六根門
頭纔有纖毫異念便被許多爲障爲礙爲冤爲對使
得七顛八倒凡聖之岐由此而分然凡聖初無兩種
只是一箇了事人了底喚作聖不了便是凡夫龐居士云不是聖人了事凡夫此之謂也既知得了更須
子細不可目前輕結裹着箇裏方要見人咬定牙關

且崖將去驀然崖到懸崖撒手處正好入人爐鞴受
人鉗鎚稱箇本色道流不爲分外忽爾時緣所迫出
來與久解粘去縛內亦無愧自然綽綽有餘裕也閱
此真臨濟宗骨髓耳

常州華藏明極祚禪師嗣暉自得嘗舉保壽開堂語
拈云保壽開堂爲衆竭力三聖推出故園春色保壽
便打可知禮也瞎却鎮州一城人眼三聖重重露肝
膽保壽下座便歸方丈千古叢林爲榜樣唱云喚作
榜樣得麼明極以大父事宏智拈提如山濤論兵閭
合孫吳亦可爲叢林榜樣

安吉州鳳山資福破庵先禪師王氏蜀廣安新明人也。參密庵於烏巨。隨眾入室。見其為旁僧舉。不是風動。不是幡動。忽然朗悟。復隨侍過蔣山。五載不自衒。密亦未嘗得其許可。遂辭歸蜀。密庵潛乘小肩輿前詣五里。袖中出語。戲之曰。萬里南來。川藟甚。奔流度刃。扣玄關。頂門歡。瞎摩醯眼。去住還同珠走盤。破庵住夔府卧龍。始通法嗣書。時密庵在天童。謂育王佛照曰。元來川僧有道義。佛照曰。待你知得遲了。蓋密庵平生怕川僧。不肯掛搭。而佛照喜川僧。堂中太平是也。

妙峯善禪師住台州。惠因開爐。示眾云。翠雲隨例也。開爐撥盡寒灰。火也無。豎起拂子云。拈起死柴頭上底。吹云。不知誰是赤鬚胡。高原聞之。薦於青山。鄭公云。見說他住壞人院子。原云。佛法也要人撐拄。在後居臨安。求教。公果付下。省劉請住小瑞岩。再見佛照。於育王。以風幡語直。箭鋒機。佛照贈之以偈云。今日為君通一線。斬丁截鐵起吾宗。妙峯劉氏晚年叢林。以老劉呼之。

衢州報恩百拙登禪師。和州烏江人。族閔氏。應庵晚子。初有見時。言夜半如白晝。示學者曰。道人相見莫

週遊大地都盧是一州信手拈來信手用始知大地
一毫水又曰道人相見勿哆哆一句可以定千戈得
失是非都拈却不知那事復如何住報恩三夏賦性
絕彫飾機語皆質直故有百拙之號

野雲南禪師會替人表裏端勁先於無用會中為國
頭有契悟後瑞世示衆云霜風落木鴈陣驚寒生身
父母露出心肝觀音菩薩噴霍不盡失却鼻孔且喜
諸人天下太平又云百計推尋求不見面一時休去
在處逢渠長連床上喫粥喫飯取飽為期我且問你
常住一粒米是幾番過手烏庫楊岐之道至大慧大

振語言機辯香江八月之濤其能過者也無用紙以
其親切底接人亦無敢湊泊晚始得野雲此等示衆
真無用親切語未知孰為優孟孰為孫叔也丕忝為
佛日之子孫矣

淳庵淨禪師蜘蛛頌云玄處孤危用處親一絲頭上
定乾坤渠儂不是誇機變要與衆生斷命根為人所
誦尤能節儉省事不勞役人亦如舜老夫炙灯掃地
皆躬為之

退庵奇禪師預印別峰室于徑山別峰繞望見其來
失喜下床接之不復為衆舉話退庵恐妨衆後惟未

大覺蓮日辨
先夫賦性簡
直不識權衡
貨殖亦多日
有少課曾
不少易金多
灯掃地皆躬
為嘗曰古
人有一日不
作一日不食
予何人也垂
老其志益堅
或人曰何不
左右人先吏
曰

徑涉寒暑起
坐不常不致
勞

至住金山普說云便恁麼散去早是辜負平生了也
那堪更進前咨詢某甲等為生死事大無常迅速不
堪為種草若是五為賓主成法為父却較此子此為
已徹證者說或者父在叢林非不用心不能得箇透
徹者過在什麼處過在信根不重半信半疑似做不
得理路絕處情識盡處靜境不惡鬧境不拘只與麼
浸在死水裏分明死了沾不得徃徃多只向這裏着
到若能猛烈靠將去一撞撞着始得此為父在叢林
打末剗頭者說若是乍入叢林兄弟信根純淨諦聽

弟 浸

互

此事恰似箇白練絹相似不受他人點汙得遇明師
發一片誠心不願出人前唯只是要參禪學道發明
心地資之勇猛確然以生死大事為念十二時中時
時覩捕驀然泯慮絕知解如晴空萬里不掛片雲荷
患日頭不出也日頭纔出無不照處日頭出時恰似
箇什麼山野老婆心切向壁角頭拈出一片陳橘皮
與諸人作樣子豈不見壽禪師因普請次拋下一片
柴頭驀然契悟便道撲落非他物纖纖不是塵山河
及大地全露法王身這箇時節還計較得麼如人飲
水冷暖自知法眼和尚也曾恁麼打發一回便解道

物物到心上。全心物自開。古今城郭裏得者住。如山可謂真語者。實語者。當恁麼時。不用求殊勝。殊勝自然至。非但壽禪師大法眼如此。至於三世諸佛。六代祖師。天下老和尚。皆不出此。若有別證。別解。即是外道法。非是佛法。金山恁麼惻惻怛怛。恰似箇媒人。相似東邊說一歇。西邊說一歇。兩邊說一合。及至到家。相見你自理會。不干媒人。事。你若實到家。相見一由便不忍捨也。參禪學道。須到不忍捨處。底田地。正好做工夫。如人上山。各自努力。烏虜入大爐鞴。上大銚鎚。等閑發一機。示一境。自不尋常。此等音說。恰似賣

別峯

面立契相似。東西南北四至。一一爲久。指出別峯三十餘年。坐曲盤床。只得退庵一鱗足矣。

南嶽方廣照禪師。淳素鄙朴。以罵詈爲佛事。學者憚之。有二僧至。照問曰。天寒歲暮。上座何來。僧曰。一家有事。百家忙。照曰。相見底是阿誰。僧曰。某甲與和尚照。拍香臺曰。面前是什麼。僧曰。香臺。照曰。將謂收番猛將。元來是行脚小桑。僧唱。照便打問。第二僧曰。天寒歲暮。上座何來。僧曰。不得氣力。祇對照。照曰。聞你攪衆出院。是否。僧曰。和尚幾時得者消息。照曰。近前來。與你道。僧吐舌。照便打。且令胡詬罵曰。我這裏無米。

照白眉

星橋門

元

本元字下有雲
字時字作而字
挽強下有用銚
須用長一句藥
字下有字字

無業也來亂統以拄杖趨之照西蜀人佛照會中號
照白眉者垂示機語不在空叟鐵牛之下
橘洲曇禪師字少雲嘉定府人出峽住明之仗錫暇
日著論發明佛祖機緣名曰大光明藏筆勢宏濶惜
未成全書而寂論贊卅霞云剋殿前草騎聖僧項天
寒燒木佛三事併案夫豈他人所能如衡山之雲軒
豁呈露遽見突兀不自為能也然時有觀顧悸怖而
喪其所守者院主是也等閑放過南陽侍者而直擒
取南陽國師所謂挽弓須挽強是此手也重哀末世
疲癯之疾增損古人必効之方成大法藥者宜用元

三十

和津燕下和平之福可立而俟也余見佛智老人偶
闕此且曰學者亦宜於此用元和津燕下洲嘗自撰
龕志略云初聽楞嚴圓覺起信復捨去依成都昭覺
徹庵白水庵聖包南來從先大慧於育王徑山後
見東林萬庵蔣山應庵辛苦艱難始畢平生之願則
知其涉歷尤艱辛未聞容易而得也

慶元府天童無際派禪師嗣佛照生於建安張氏慶
元四年開法常之保安上堂云說即無功有過不說
又是罪過自今各省已過無以責人之過拄杖不應
放過也要從頭按過卓柱杖云內卦已成再求外象

又卓三下占得風山小書成澤風太過卓一下下
座初預密庵法席有剪紙塔戲俚頌頌云當陽拈起
剪刀裁七級浮圖應手回堪笑耽源多口老湘南渾
北露尸骸一衆服膺讚船子云三十離鉤掣一橈百
千毛竅冷颼颼雖然兩手親分付要在渠儂自點頭
讚靈照女云老爺喪盡生涯後累汝公街賣茶箇不
是家貧兒子苦此心能有幾人知叢林稱之嘉定間
在天童示疾辭衆上堂云十方無壁落四面亦無門
魚腥裸赤洒洒沒可把喝一喝云幾度賣來還自買
爲憐松竹引清風下座入丈室端坐泊然而化壽七

十六臘五十二佛果下大慧接人多如馬祖今獨
庵下爲盛

螺庵肇禪師在雪峰日贊祖師云德山棒下桶底脫
無頓眼裏乾坤濶半嶺東南第一峯百川倒流開眼
話自題照子曰陰崖鳥滅槎頭雪午夜猿啼竹外煙
莫惟住山無伎倆年踏破水中天余已酉夏在石
翁玉和尚會中者宿猶能言之今僅憶此二贊云
金華元首座剛峭簡嚴叢林目爲飽參見寺庵於白
雲始了太事僧問如何是佛曰即心是佛問如何是
道曰平常心是道問如何是祖師西來意曰趙州道

底聞者皆笑。後有僧問：「如何是佛？」曰：「南斗七，北斗八。」問：「如何是道？」曰：「猛火煎麻油。」問：「如何是祖師西來意？」曰：「龜毛長數丈。」傳者皆喜。噫！若如此辨驗答話，不惟埋沒已靈，抑亦辜負前輩。

三
蒙庵聰禪師生福州長樂朱氏。少長不侵侮，好狎年十九，依信之龜峰光晦庵。二十七得度，即告以欲隨眾專一，俾究已躬大事，免以眾務為役。庵笑曰：「汝要緊參禪，那佛法在一切作用處尋常行履處，何懼事務奪？即今且限一月，日如不了，決罰不恕。退以佛法在尋常行履處寫貼於牕上，脇不至席者半月。」庵時

時默探之，見其作意太猛烈。私念云：「此子若不悟，恐狂去。」一日聞擗鼻有聲，云：「啞壞了！」此子詢問，乃知俗家訃音至。庵舉意曰：「這裏好與一槌，即喚來問曰：汝有什麼事具道？」以父亡聲未絕。庵扭住與一掌云：「許多無明煩惱，甚處得來？」又一掌當下疑滯氷釋。即禮謝衝口呈偈曰：「了了了徹底了，無端赤脚東西走。踏破晴空月一輪，八萬四千門洞曉。」庵曰：「這鈍漢且放三十棒。」曰：「某甲亦放和尚三十棒。」曰：「你看瞎漢，便敢亂統。」自此機鋒峻捷，無敢當者。庵臨寂時，付以法衣并偈曰：「再來毒種元聰侍者，耐吾宗滅汝邊也。」

且曰異白不得辜負老僧曰即今亦不少曰恁麼則三十年後此話大行曰蒼天中更添冤苦瑞世龜峰為晦庵嗣後遷六趣被旨住徑山十四夏而寂焉庵蒙庵於晦庵之門燒尾鱗也如鳥窠得會通無三登九到之勞雖白師資緣合顯微一貫如印印空了無朕迹非介而勇願而重者之驗歟

笑翁堪禪師初遊方抵明之太白無用問曰汝行脚僧耶遊山僧耶曰行脚又問如何是行脚事翁以坐具搥之無用曰此僧敢捋虎鬚參堂去一日室中舉狗子無佛性話擬開口無用起舉竹篋翁應聲曰不

周易謙卦初六
 柔曰謙君子
 卑以自牧也程氏
 曰謂君子以謙卑
 之道自牧也自牧
 自勉也

荼毒鼓轟天震地轉腦回頭橫屍萬里無用然之翁平生未嘗以言徇物以色假人

自牧謙禪師西蜀人溫雅博喻雙徑蒙庵之嗣入閩住鳳山迂鼓山時高州文學劉鎮叔安謫居最久問往咨參一日問曰某甲參得禪麼曰人人有分曰即心是佛如何是非心非佛曰不許夜行投明須到劉因此留心佛法自牧後在雪峯室中問學者雪峰有句子僧曰請和尚道自牧以拄杖趕出如此為又契機者少

妙峰善禪師住杭之靈隱丞相青山鄭公因天童闕

又奏勉其行。客以年踰耄矣。尚夜行不休乎。述二偈。辭免。一曰。剝啄敲門定。眼開驚傳鈞輪。入山來倚岩。枯木摧殘甚。空費陽和。到一回。二曰。鼻繩掣斷已多年。老倒松楸澗草邊。相國恩波如海濶。何妨乞與日高眠。嘗拈魯祖見僧面壁云。費力不少。瑞岩主人翁云。即今亦不少。妙峰晚年足不越限。晝夜惟擁楮衾。兀坐垂示語言。皆發藥人。鄭公題其錄云。師於佛法中。橫鶩直貫。曾無留難。如方圓器。滿貯虛空。不可執着。如七寶山。湧智慧泉。悉具法味。可謂知言矣。慶元府天童如淨禪師。頽然蒙爽叢林。號曰淨長檉。

真歇塔偈云。歇盡真空透活機。見孫相繼命如絲。而今倒指空腸斷。杜宇血啼花上枝。示衆云。心念紛飛。如何措手。趙州狗子佛性無。只个無字鐵掃帚。掃處紛飛多。紛飛多處掃。轉掃轉多。掃不得處。拚命掃。晝夜豎起脊梁。勇猛切莫放倒。忽然掃破太虛空。千差盡豁通宗趣。可知矣。有問瑞世嗣誰。曰。如洋。問道號謂何。曰。洋長後於太白山感疾。退席下涅槃堂。始大哭。為鑑足庵燒香。入寂時侍者告以法堂寶蓋鏡墮於座上。曰。鏡枯禪至矣。如其言。高原泉禪師。令聞素著。瑞世慶元梨洲有問。囊鉢已。

露至寶難藏。四眾側聆。願聞法要。曰。截舌有分。問。恁麼則一句超今古。禪徒息萬機。曰。又恁麼去也。問。如何是梨洲境。曰。接啼古木。月照高峰。問。如何是境中。人曰。題挑不上。問。入境已蒙師指示。向上宗乘事。若何。曰。且待驢年。四眾拭目領耳。

空叟印禪師誦育王時佛照法席鼎盛。頌善才者累紙。空叟有云。童子纔生。河沙福聚。凜然氣宇如王。覺城東際。智願已全彰。展轉參尋。知識不移寸步。歷遍南方。無窮事風。高月冷。煙水渺茫茫。一聲彈指。處處毗盧樓閣。門戶盡開張。塵塵頓現法法圓常。都是夢中。

境界惺惺。後蒲面慚惺。歸來也。重遭摩頂。雪上更加霜。眾推之後。空叟道益聞著。亦住育王。

浙翁佛心禪師云。空東山荅余才茂偈。脚書真關老。子殿前一本。赦書也。今之諸方道眼。不知若何。果能受持此書。則他日大有得力。願書云。空本巖穴間人。今雖作長老。只是前日空上座。常住有無。一付知事。豈敢涉私盜用。常住結好貴人。或用資給俗家。或用接陪知己。今之帶角披毛。償所負者。皆此等人也。先佛明言。可不懼哉。願公勿置我於此輩中。則公之入帝鄉求好事。前途未易量也。逆耳之言。不知以爲如。

何佛心每以此舉似於人。璩隱山亦云常住金穀除
供衆之外幾如鴆毒住持人與司其出入者纔露著
則通身潰爛律部載之詳矣。古人將錢就庫下回生
薑煎藥蓋可見今之踞方丈者非特括衆人鉢盂中
物以恣口腹且將以追陪自己非涉人情又其甚則
剽去搜買珍奇廣作人情冀遷大利只恐他日鐵面
閻老子與計等哉因併錄之

臨安府淨慈退谷雲禪師初在鍊庵一大禪會中爲
侍者值其開室問國師三喚侍者谷以手拚其口又
問侍者三應又作麼生。豁袖徑出後得佛照印可且

謂其機語如雪堂行及得首住明之育王時佛照
居東庵父子相從之樂昔未有也。退谷生福州閩清
黃氏

寂照明首座孤風超絕生緣福州長樂多見宗匠嘗
有頌曰大事未明喪考妣既明雪上又加霜曾聞三
峽猿啼苦鐵作心肝也斷腸晚自浙歸閩幹漏澤園
頌曰劒刃翻身能有幾無端平地死人多從頭喚起
重烹過未免依前埋沒他可見其人矣不肯出世終
老於白雲古寺閑房中樞相鄭公性之尚書陳公韓
居私第嘗躬詣而問道焉瑩雲卧謂臨印復首座曾

見事相來演祖待以父執始終一節亦足以增懿緇
林豈特高踞雄席然後爲樂哉吾於寂照亦云
四
潮翁佛心禪師雙徑法席人物林立嘗撫膝云你向
者裏下得轉語不空過一夏有云覲面相呈更無回
互有云疑殺天千人皆被訛謂不可趣口快佛智老
人時在侍旁緘嘿而已老人後爲拈香云千鈞上絃
當時遼天索價一言道盡不合貼地相酬只今驀路
相逢講不可得避亦無由禮拜燒香將錯就錯何故
覆水難收又云說大脫空用無轉智當時打向面前
過鶻被以手一畫三十年悔不可追恨不可消曲不

可直只今白浪堆中我遮一鉞揮香云莫恠拈出太
宗師家拈出一絲毫牽動四世界更無一絲毫疎漏
處此語皆是相見時話入道時之因緣也

四
泉州法石隱山璨禪師上堂云德山棒如雨點臨濟
喝似雷奔隱山當時若見一時趙出三門爲什麼如
此當門不用栽荆棘後代兒孫惹着衣佛涅槃云我
佛本不降生今日何曾入滅若道非生非滅也是眼
中着屑汝諸人瞥不瞥畢竟喚今朝作甚麼時節一
度風來一度寒一由飲水一回噎請看陌上桃花紅
盡是離人眼中血垂示類此隱山之晉江人性褊躁

好與剝自謂叢林一害瑞世下生嗣涼峰空退庵此庵乃其大父云

高原泉禪師住梨洲荒陋寂寥無準為首座荆叟為維那雙杉在會下原夜坐舉江月照松風吹永夜清霄何所為荆叟曰觀着水河連底凍雙杉曰牽來好與頂門槌原默然壯歲時已得奇退庵許與矣

丞相蔣公芾居建昌時號莫齋居士婁誼光孝寺問道於璨隱山聞舉狗子無佛性話擬下語被喝住呈偈曰眼前一座鐵壁拄天拄地黑漆今朝瓦解冰消一段孤明歷歷又被喝出後請益得示以清素侍者

語覺率悅可能入佛不能入魔渙然冰釋述偈曰翻看欄衫倒着靴橫枯豎放恣由他入魔入佛尋常事一段風流出當家又曰嬌坊酒肆飽經過一曲草前囉哩囉打鼓看來君不會大家把手上高坡隱山深肯之即陞堂告衆有隱山搥鼓為證明千古叢林一盛事之句

天目禮禪師在鄖峰時佛照開室舉風動幡動者僧如何答曰物見主眼卓豎照曰不是風動不是幡動甚處見祖師答曰楊胡腦盡印空隻隨後入室照復舉前話叟答曰貪觀白浪失却手中橈照曰老老太

大作者箇語話你看適來後生子下此一轉語天目
在佛照會中依止三年因不受書狀職過靈巖時癡
鈍亦舉前話答亦如前鈍曰此語只育王會中用得
我者裏飯水也未到你契在烏窠二大老接又如此
宜為萬世師也

少室睡禪師在瑞巖偶鳳山礪老持松源像請贊贊
曰開口不在舌頭上話墮也太力量人擡脚不起未
為分外平生用者此兒却被鳳山捉敗瑞巖與麼贊
揚也是送賊入界少室宗眼端正類此示人非徒從
事於語言之末也

咒

本真書記福唐朱氏子棄儒依資福山主祝髮出嶺
遍參叢席有特立操行晚得天童慈航印記即歸里
之杉溪阜庵居焉奉已甚約食僅足而已品谷幽遠
水木清華眇然絕俗離世若將終身有偈曰茅庵小
築向溪南踪跡惟饒野鹿參昨夜蒲簷霜月白最憐
松葉落鬢髮又曰高懸機拂與却枝觀面相呈早費
辭此外更無親切句不知若箇解尋思豈非高尚其
志者歟或議其不得激發後學為不幸予謂以機拂
却枝示人止此足矣又何必別求語言哉

秀崑端禪師曰大慧和尚舉趙州一日在佛殿上見

文遠禮佛以拄杖打一下遠去禮佛也是好事州云
好事不如無頌曰文遠脩行不著空時時瞻禮紫金
客趙州拄杖雖然短腦後圓光又一重大圓見曰妙
喜作用不減崑頭死心肯來箇確可謂光前絕後全
為改末句必來但恐不得相見矣改云劃破華山千
萬重九慧闡之果欲討見而大圓已遷化只題其錄
云七佛命脉諸祖眼睛但看此錄一切現成二老相
敬如此今無復見其人氣脈猶迫之烏孝二大老故
無復見秀崑亦已矣因錄而識之有能於筆語外著
得隻眼庶免三人證龜也

枯崖和尚漫錄卷中

祖賢首座撫之金溪人入品高妙得法於癡鈍久留
閩南欲歸鄉至義江有感而反焚緇跡與歸竟嘉編
第隱於莆之土襄山嘉旣赴福師長生之招即遷于
黃山條塘自榜土室僅容膝痛曰樂此遠近者聞之
始供以粟焉居二十年如一日郡侯曾公用虎高其
風以襄山慈壽度席禮請不赴嘗議十不去以見意
末章云十不去止此便為諸佛土假饒天子詔書來
向道不須生事故復齋陳公必與論持敬二字答云
敬足矣何用持為遷化後王堂林公希逸祭以文畧

曰六經之外得此良友余近與方劉諸公遊石室晚
造其故廬月色清朗松聲蕭騷慨然想見其高標逸
致也

鐵鞭韶禪師直諒不窺密福州縣亭人也赴溫陵光
孝請開堂祝聖拈香罷乃云喚什麼作第一義莫有
旁不甘者麼出來道看時有僧出問頂顙摩醯耶卓
豎拈拄杖卓一下云住住今日開堂不比尋常佛事
設問答到弥勒下生鉤鎖連環盛永不漏也只是鼓
粥飯氣於自己了沒交涉所以道問不在答處若不
在問處問答交馳如青天轟霹靂者者不容眨眼那

堪更向言中定旨句下明宗大似緣禾求魚守株待
兔殊不知我宗無語句亦無一法與人這裏徹去皇
恩佛恩一時報畢其或未然更為錦上添花後卓拄
杖下座有八會錄行冊審聲以知音審音以知樂

周易履卦九二
履道坦坦
負吉不自亂
也程氏曰蓋其
中心安靜不以
利欲自亂也

覺庵趙贊府看釋書有省休官依翠微乞名惟覺裂
冠薙髮具毗尼後居山有偈曰氣衰力憊不堪言得
意濃時便息肩棄俗棄官兼棄欲由之由命更由天
飢來爛煮黃粮飯困後和衣白日眠山鳥一聲驚夢
覺不知今夕是何年可謂幽人貞吉中不自亂也
破庵先禪師嘗曰今時兄弟做工夫不索性所以不

見效驗我行脚時密庵住衢州烏巨山我在彼中充
和客解戲了往見水庵于雙林兩廊長我每夜不睡
從東廊行到西廊提起話頭做工夫行三兩匝了歸
掌中打一着上下問兄弟一似爛冬瓜相似觀了自
思量道我若不著便也似者一堂爛冬瓜討什麼枕
子我在那時做得些工夫室中也開得口只是命板
未斷心下畢竟不穩遂起單至平江萬壽僧堂前歇
那時是灯止庵住萬壽は無鼻孔長老粥罷打鼓入
室我心裏欺他不丟有同行去入室了却來問我你
去入室也未我謾同行云我去入室了又却自思量

韓信軍漢高
三年

五

道他是我同行我謾他心下未穩當漸要歸川去却
是如何如此思量心中躁悶遂行入僧堂後去忽然
舉頭見照堂二字從前疑情頓釋迤邐上蔣山再見
密庵室中無不契合破庵參禪如韓信軍孤在水上
必死無二志所以勝也

秀巖瑞禪師上堂舉馬祖日面月面後來水庵頌云
日面月面胡來漢現胡漢不來清光一片拈云見馬
大師未可秀巖也有頌日面月面磚頭瓦片踢倒淨
鉢撼動門扇舉老宿一夏不與僧說話話拈云者僧
正是飯糲裏餓死漢老宿着甚死急恁麼見解喚來

痛打一頓。迤出三門。爲甚如此。爲人須爲徹殺。人須見血。烏摩。爲拙庵拈出底。木庵更得來。語在叢林。話在人口。雖然要見秀。崑。猶隔海在。

江西雲卧瑩庵主曰。徑山謙首座歸建陽結茅。干仙洲山聞其風者。悅而歸之。如曾侍郎天游。呂舍人。居仁。劉寶學。彥脩。朱提刑。元晦。以書牘問道。時至山中。有荅元晦其略曰。十二時中。有事時。隨事應變。無事時。便回頭。向這一念子上。提撕。狗子還有佛性也。無趙州云。無將這話頭。只管提撕。不要思量。不要穿鑿。不要生知見。不要強承當。如今眼。趙。黃河。莫問趙得。

進思最李侗字
忽中南到人晦
菴朱文公師
也先生以永壘
秋月空徹言

無賴查

過趙不過盡十二分氣力打一趙。若真箇趙得這一趙。便百了千當也。若趙未過。但管趙。莫論得失。莫顧危亡。勇猛向前。更休擬議。若遲疑動念。便沒交涉也。謙嘗從劉寶學請。住建之開善。向與雲卧同侍大慧。取以劉朔齋云。文公朱夫子初問道延平。篋中所携。惟孟子一冊。大慧語錄一部耳。

竟見紀談下才十六

臨安府洋慈北礪簡禪師贊茶陵有云。進步竿頭。橫斷橋。太虛凸。颯水夫。四古今契。顧人多少。不似閨梨這一交。贊靈照女云。屋裏橫機。抗老耶。門前斂手。揖丹霞。娘生麟好兒女也。有許多無賴查。叢林多誦之。

淳祐丙午三月晦日書偈云平生無伎倆赤脚走須彌一步闊一步三更過鐵圍且曰翌日可行矣至期跌坐而滅中舍程公公許莫以文略曰踞南山頂垂綸千尺湖水渺瀰魚寒不食示病及期休壇神逸維莫之春參徒雲集師顧而笑吾歸有日題四句偈茲為絕筆及孟夏朔泊然入寂師昔所證本自懸密末後一着乃見真實是為實錄噫老礪神情秀特博學強記而喜為文得法於東庵佛照昔甘露滅瑩仲溫皆見地明白其可以文字多之老礪委順時尤殊特若此

參預真文忠公德秀與雙徑松少林同里閑相與講道翰帖往來無歲無乏一帖云甲子乙丑年間在延平嘗夢至一所十六羅漢在焉其中相好端嚴者忽開目相視微笑曰得大堅固力俄而天樂浮空而至音節之妙絕異世間遂寤今將三十載佩服不忘近於夢筆得開山一片築小庵其上欲以大堅固力為銘擬得吾師一偈以開發蒙滯等覺亦舊遊也其能忘情乎余見此帖於徑山三塔庵烏虛西山可謂三十年一夢而覺矣欲銘大堅固力寐語作麼何必佛行重說偈言

慶元府小靈隱相巖凝禪師性簡兀無所交接乃息
庵法嗣住金文日提綱云盡大地是箇住處不用強
安排盡大地是箇當人何須求影迹東邊住喚你東
邊長老西邊住喚你西邊長老翻來覆去橫倒豎直
一月之間做出許多不唧溜雖然你要見凝上座又
却有那邊更那邊你不要見又却在諸人眉毛眼
睫上如是而住如是而說一箇舌頭分作兩極且道
那箇舌頭顧左右云了大抵步驟熟如箭雲汗血無
蹇態也

秀巖瑞禪師與無用松源入閩見乾元木庵問近離

甚處曰鼓山曰恰欲得鼓山信將得來麼巖展兩手
庵曰參堂去俾其執庫務亦不憚勞庵陰奇之洗衣
次庵曰作什麼巖提起衣庵曰答話也不會巖擬議
庵便掌忽省發後住明之育王為佛照嗣庵聞之寄
以偈曰媽媽年來落髮疎心心只是念奴奴一從嫁
與潘郎後記得從前梳洗無余昔預石門會和尚法
席於九峰聞其言如此
鐵鞭韶禪師剛正孤硬以大法為重任住吳門承天
廣架僧堂以延衲子室中舉狗子佛性話驗之少有
契者元雙杉時在會中投偈云狗子無佛性一正一

切正。寰中天子勅塞外將軍令鐵鞭領之。
笑庵悟禪師周氏居蘇之常熟。少待才無等。復與松
源同扣密庵。密庵曰。尔平生見處。試語我來。隨通所
見。曰。未。在。參堂去。笑庵後於僧堂中。見別燈者。悟室
中。橫機無所讓。頌德山。入門便棒云。倒嶽傾湫。與麼
來。小根魔子。謾疑猜。神駒一躍三千界。空說門前下
馬臺。密庵聞而喜。昔松源在衆時。踈於世事。笑庵微
細皆任責。及源住靈隱。庵在里之靈巖。具舟抵杭。訪
之。到門三日。方得相見。無慚色。後源赴法華。招又以
靈隱力舉自代。前輩所見。異於流俗。與今人一語或

左襄十八年南風
不競楚必亡功

訛然身爲恨者。大有淫庭也。併書此。爲後來龜鑑。
笑翁堪禪師。門風壁立。氣蓋諸方。初任台之報恩。台
舊無律宗。師與郡守齊公碩議。合十寺爲一。築壇。唱
南山。開遮持犯之法。風厲後學。及遷平江虎丘。聞師
王公居安。復以雪峰招之。且貽書廟堂。謂南方佛法
不競。須賴作興。得旨乃行。未幾。詔住杭之靈隱。忽
僧持釋迦出山像。請贊。即書云。半夜逾城。全無肯重。
端坐六年。以靜思動。衲卷寒雲。下雪山。與父相見。又
何顏。
松源岳禪師。由虎丘遷靈隱。老而瞋。叢林呼爲老瞋。

翁以所傳白雲端和尚法衣亟欲付人垂三轉語去
開口不在舌頭上大力量人為什麼擡脚不起大力
量人為什麼脚根卡紅線不斷而無契者留衣塔下
曰三十年後有我家子孫來住此山以此付之遂告
寂石溪後亦由禿丘奉旨而至徑拈衣云大庾嶺
頭黃梅夜半爭之不足護之有餘而今公案現成不
免將錯就錯捧起衣云敢問此衣白雲傳來松源留
下明什麼邊事惱亂春風卒未休今佛海留於雙徑
傳衣庵其復有所待耶

絕照鑒禪師初住里之乾元佛生自上堂云老鼠雖

無三寸光徧夫徧地起災殃命根落在乾元手消得
當頭一杓湯由是名播叢林後遷鼓山學者瀾趨雲
華晚年玉几論薦惜乎命將下而寂矣絕照福州人
嗣訥庵

肯庵圓悟禪師建寧人天資閑暇居武夷山餘十年
因聽牛歌悟道嘗有偈云山中住不識張三并李四
只收松栗當齋糧靜聽猿啼古樹瑞世於福唐大
目禪苑嘗授儒學於晦庵朱文公與師辛公棄疾為
同門友因以黃蘗延之入寺有譏其行李數十櫬辛
聞之蹙然不樂後過都連黃公瓌同訪之且曰有道

无長物晉王恭以
簞屨送王忱曰吾
平生
韓信多益辨史

紫陽朱晦菴初
居建之崇安名
之室曰一後居
建陽号雲谷无
人亦曰庵晚号
陰洲

之士三衣外無長物多益辨不為道人累乎庵笑
不答徐而共觀諸老手帖因盡揭籠篋示之皆古德
墨蹟紫陽書翰辛有慚色養心蒙卦象曰蒙以養心聖功也
寒齋高士林公公遇字養正棄官無經世意惟與山
林負天法者講明此道寄竹溪林公希逸云此事何
須向人說有耳如聾真秘訣此事何須向人語有口
如瘖真活句盲聾瘖啞是仙方箇中別有長生路長
生路亦無朝亦無暮亦無今亦無古亦無萬象與森
羅亦無山河并國土長生路在何許不待丹成自輕
舉只在目前無尋處要尋只在無尋處寒齋所著述

益卦九五有孚惠心
勿問元吉有孚惠我
德

心鑑錄有補於吾教後村劉公銘其墓云猗公所立
與天壤俱起乎畫前復于性初以為釋耶則踐乎實
以為老耶不放乎虛探千古之秘寶而獨得叢一世
之苦淡以自娛余所述者迹之區區若君之心不可
擬摹者欲求之于君之靖名言也勿問元吉
東山源禪師初在癡鈍室中聞舉如何是大道之源
下一喝迷偈曰大道之源立問端老魔徹底自欺瞞
誰知家醜難遮蔽一喝當陽雷破山父從老佛心於
徑山證徹闡城歸闕授以偈曰揭翻腦蓋笑談間
走珠分珠走槃一段風光攔不住堂堂擺手出長安

時凌霄會中人物如林清鐵脚千都寺咸在焉皆趨
韻錢之後出世嗣禪心東山與參與徐公清叟為方
外交公帥閩日以雪峰招致離蘇之虎丘至建上順
寂于光孝悲失

雙杉元禪師戒行嚴潔住秀之天寧小參舉應庵室
中問密庵如何是正法眼庵云破沙盆拈云者些說
話如了又路口多年一條爛木頭風吹日炙誰敢覷
着忽被箇健兒默將去上面元來有官印且道印文
在什麼處五陵公子少年時得意春風躍馬蹄不惜
黃金為彈子海棠花下打黃鸝黃石田特稱之雙杉

生於福州福清鄭氏先有溫蘿庵後有密庵繼而
僻雙杉也遂僻即其俗門叔父法門落髮師清如源
者見趣操行尤卓然鄭氏所出尊宿可謂盛哉

枯禪鏡禪師清苦古朴太師史衛王尤致敬之初接
見即問曰疎山曹家女始末如何枯禪厲聲曰相公
與麼問失却一隻眼然則祖師垂示可得而箋注耶
左右愕然王笑而已遂進席徵詰論辯至夜分方散
惜當時無人與記錄耳枯禪每見求掛搭者則先令
撒去白領剪除潤袖方許相看
龔峰定禪師福之長溪人嘗過毗陵時思庵依無際

詰音貽贈言也
遺也

值開室舉釋迦彌勒是他奴他是阿誰定曰不會又
舉似之又曰不會無際堪住曰一不會二不會定失
聲答曰泥團土塊後於永嘉龍翔文絕象會中分坐
無際在明之太白詰書趣歸昔佛智老師亦侍無際
故嘗言是

會元真淨章三
開堂日拓香祝聖
問答罷乃曰云
故大覓世尊昔
於摩竭陀國十
二月日明星現時
豁然悟道大地有
悟一明成佛今有
寂子沙門某於東
震旦國大宋紹興
城中六月十三日
拂日現時又
悟之甚久以拂子
畫曰我敢不輕於
汝等皆當作佛

安吉州道場別浦舟禪師師事老佛心後為空叟嗣
佛成道上堂云釋迦老子二千年摩竭陀國自云明
星見時豁然悟道胡人多詐知他是實是虛後來真
淨道今有克文比丘於東震旦中赫日見時又悟箇
什麼關西人沒頭腦爭知是有是無川僧開口見膽

一句是一句拍床云是那一句曾經巴峽猿啼苦不
待三聲也斷腸又云百丈三日耳聾馬祖有過無功
臨濟三遭痛棒黃蘗有始無終虎嵩不行棒不行喝
成蛇底成蛇成龍底成龍拍床云不見道鶯遷楊柳
岸蝶舞海棠風見處穩密拈出示之如春行花月在
冰了無朕跡空叟之門斬然而絕出者也老藏云別
浦嘉定間與癡絕並驅爭先惟壽不及癡絕烏虛惜
哉

雙杉元禪師乃柔萬庵之嗣國史陳公貴謙與弟參
預文定公貴誼於武康龍山并雙杉庵館焉荅國史

公編宗鏡書云正欲詣台屏恭致問訊藻翰寵臨伏
審深入宗鏡三昧辯才機用恣無畏就揭所錄數板
聯珠貫璧真擇乳鵝主眼腦深用降歎但恐日新之
證將棄舊習於此去取或未一定如欲啓發多聞強
識使知聖賢地位不容以智力可拔用此為致道之
具末無又非自得之妙康時濟物浩然無窮是以用
佛為真儒之効也世有局於見聞者主張門戶者心
是而口非之不得其詳意在愚之而不知其自欺真
所謂可憐憫者觀此亦可意解也室中三轉語禪和
子窮平生工夫如應舉三場字字相似通日夜為之

猶恐未暇豈是好趨難而捨易棄彼而取此蓋不專
工於究未到大休歇田地徒成知見解會障自己眼
倒行逆施前輩有言若真箇要打透此事切不可看
此錄將來意識先行未舉便會更無可疑失佛方便
則無入頭處雖曰利之其實為害陳操尚書是个參
禪樣字對雲門教意尚自拈出口欲言而詞喪心欲
緣而慮忘被雲門一期刊沒了家財是也今居士要
為法施大檀越須金圈栗鐵酸齏子用事勿引入
入草窠反增其粘縛如何因筆切怕稍暇當請拄杖
以謝多由之罪國史公因此開悟

鳥頭

三

西山亮禪師頌趙州勘婆子云飢時定聞飽時定聞飽婆子在臺山趙州勘破了迦庵可之半世金陵清真提唱語言發若機括寄天童癡絕云潦倒西山百不能隨身賴有一枝藤東撞西挂消閑自甘作荒山小院僧住四明小靈隱而終西山蜀人性方雅不喜與俗流交無準叙其語稱為本色宗師者也無準佛鑑圓照範禪師少穎悟以機辯自將謁蒙庵于雙徑庵問何處人事曰劍州人問還將得劍來麼佛鑑下一喝庵曰烏頭子也括噪人佛鑑髮黑時呼為烏頭後隨侍破庵因謙道者入方丈請益躡蹤而

山

浣盆
我識得你

三

往破庵見謙至便問近日胡孫子如何謙曰胡孫捉不住破庵曰用捉作麼佛鑑聞之曾次豁然井山密禪師至節小參云平令全提十方一團鐵冥樞坐斷大地絕行蹤不是禪不是道摩竭提國三七日中鐵壁鐵壁少林山下九年冷坐浣盆浣盆自餘臨濟德山揔是衆盲摸象一向與麼荒草連天拂子俯徇時宜曲開方便以拂子畫一畫為陽又畫一畫為陰陰陽交感歲功乃成忽若乾坤窄乾坤窄日月星辰一時黑且道是陽耶是陰耶擲下拂子云待石筍抽條即向汝道井山乃枯禪俗門之姪法門之嗣

古往今來
一三

鼎 太舒俊貞
礼 檀弓
料 猶犬也假借
為 美也待緣所

子也自幼至長羽之翼之如鷹兇出巢便有冲天志
明師出賢資信矣恨不能盡其設施而早世
建康府保寧即庵覺禪師嘗與無準同參破庵後因
無準山居寄以偈云吸松風飽山色浩養未妨清徹
骨夢覺千崑杳霽分興來一笑乾坤窄霽霞凝雪翠
滴滴泉湧斷崖聲漚漚故人斯樂我何知遯跡白雲
抱幽石送高源住梨洲云小玉聲山認得此至今兩
眼尚眯麻阿師不雪鄉人耻鼎鼎教誰辨正邪蜀諸
老如高源即庵石田無準道價皆為一時之重猗歟
盛哉

大乾

慶元府雪竇無相範禪師於松源開法焦山龍象駢
集為新雪竇無準上堂舉楊岐和尚出世陞座罷九
峯勤和尚握其手曰且喜得箇同參岐云如何是同
參事峰云楊岐牽犁九峰拽耙岐云正恁麼時楊岐
在前九峰在前峰擬議岐云將謂同參元來不是頌
云楊岐左眼半斤九峰右眼八兩一對無孔鐵鎚至
今收拾不上叢林咸以太飽呼之蓋與無準行道同
一時也赴雪竇請遂遷寂先是紹定辛卯歲旦上堂
云春來萬彙悉皆新一段風光盡不成無事妙高行
一轉不知誰是境中人明日齋退巡寮登妙高峰且

詩音佩也也

詩話總龜蜀州
郡固有紅梅數
株方盛開有
高髻大袖倚欄
而視是詩壁上
曰南枝云
寄語作憑仗
欄看作欄干

云會吾意否又明白赴堂喫粥罷索湯沐浴端坐而
寂衆議峰頂建寧塔波見於佛鑑所記云
平江府雙塔無明性禪師性端潔疾詩謬頌開口不
在舌頭上云明脩棧道暗度陳倉刻舟猶覓劍夜雨
過瀟湘大力量人攢脚不起云只許老胡知不許老
胡會白雲盡處是青山行人更在青山外太力量人
脚下紅線不斷云放兩拋三瞞神譚鬼換盆換盆誰
不識你頌趙州見二庵主云南枝向暖北枝寒一種
春風有兩般寄語高樓莫吹笛大家留取倚欄看松
源首肯之無明一生眠食不離清衆老益精進惟此

一節亦可書况衲子資其決擇乎

栖岩山禪師福之王驛林氏子既遊叢林所至輒前
席題畫水波壁云波浪鼓時無點滴風海息處即滌
漫明窓紙鏤休尋真壁上行船方好看同輩皆稱歸
里住洋嶼雲門嗣息庵砥節礪行衆所畏服

中嚴寂禪師天性孤高示衆云過去諸如來填溝塞
壑現在諸菩薩謁無頭褲無口未來修學人推不向
前拽不向後若也會得同坑無異土若也不會君向
西秦我之東魯又云行亦禪坐亦禪終日舉頭不見
天出平尔反平尔認着依前還不是拈起則充塞太

虛放十則繼塵不立不拈起不放下鎮州蘿蔔頭趙
州索盡遼夫價又云今朝七月旦夏制將垂滿更上
曲盡床舉則舊公案舉得全鼻孔沒半邊舉不全舌
頭拄梵夫呬胡亂了也還我這則公案來卓主文云
切忌啗啄此數語如含沙工於射影吾恐見之不中
其毒者幾希

天目禮禪師訪同參不值偈云庭前一樹紫荆花
孝子何嘗不在家若謂弟兄相見了先師門戶隔天涯
為叢林誦頌野狐話云墮落知何處憑君子細看朝
來無別浦木落見他山為瘠鈍喜嘗與北澗同在佛

淨慈北磬敬叟居簡号簡川天童滅翁文禮曰之礼而敦

遠鉄極

照會中相與提衡故有簡川禮寂之呼余景定間寓
保寧始見全錄天目預老贖許可豈苟然者哉
短蓬遠禪師平生不設卧具晝夜枯坐得遠鉄極之
稱開法餘杭永壽為明極嗣中秋寄同輩云一點孤
明徹太虛躰無盈缺任方隅光含萬象珠懷蚌影落
千江井翹驢馬祖觀時迷向背長沙用處絕名摸衲
僧直下忘標旨吐舌吞三總自如不畫筆墨遊戲後
住吳門承天一日上堂云承天一句言前分付達磨
不會隻履歸去越宿無疾坐逝時光東谷亦道行一
為起洞上之宗無謂無父

石田董禪師眉山彭氏嘉定間出世高峰屋老僧殘
先是高原無準即庵中崑石溪諸老徐之然後請從
開爐上堂云高峰門戶如灰冷多謝諸公有歲寒些
子死柴頭上火大家着力試吹看石田住吳門高峰
寒窶荒寒過於法昌在分寧時開爐高原宿德咸集
又差勝以二力撾鼓為十八泥人說法也
臨安府淨慈混源密禪師天台盧氏子遊泉南參教
忠光晦庵乃大慧所謂禪狀元者久而盡得其道後
有示衆云恁麼恁麼掘地覓青夫不恁麼不恁麼虛
空掘出骨釋迦老子以僧伽梨正法眼藏分付摩訶

大迦葉生錢放債換水養魚世尊傳金欄外別傳何
物倒却門前利竿着不行官路只販私商內外中間
覓心了不可得與汝安心竟家財俱藉沒磔下獲黃
金德山捧臨濟喝官拘不如曹叅情親不如義親腰
間曆日已多時不用攢龜打瓦揚岐三脚驢兒入你
諸人鼻孔雲門以黑漆竹篋斷袖僧命救東勝神州
火發燒着帝釋眉毛西瞿耶尼人忍俊不禁連聲叫
屈初三十一中九下七掛起鉢囊放下御標山河大
地日月星辰三月安居諸佛菩薩畜生驢馬九旬禁
足以大圓覺爲我伽藍寂滅現前據款結案去年梅

今歲初顏色馨香依舊唱但願春風齊着力一時吹
入我門來閱人語句須是眼正究其密說顯說直說
曲說如恒山之雲開遮自在須是同一眼觀同一意
見方不辜負前輩混源出處已備于嘉泰普燈此數
語未載石田謂受虛中只能詳類事跡愚謂聯燈去
取真不放過也

國史陳公貴謙答舍人真公德秀書曰承下問禪門
事仰見虛懷樂善之意顧淺陋何足以辱此然敢不
以管見陳白所謂話頭合着與否以某觀之初無定
說若能一念無生全體是佛何處別有話頭只緣多

生習氣皆覺合塵刹那之間念念起滅如猴孫拾葉
相似佛祖輩不得已權設方便令咬嚼一箇無滋味
話頭意識有所不行將蜜菓換苦胡蘆陶汝業識都
無實義亦如國家兵器不得已而用之今時學者却
於話頭上強生穿鑿或至逐箇解說以當事業遠之
遠矣痼道者二十年坐破七蒲團只管看驢事未丟
馬事到來因卷簾大悟所謂八萬四千關捩子只消
一箇鎖匙開豈在多言也來教謂誦佛之言存佛之
心行佛之行以須有得處如此行履固不失為一
世之賢者然禪門一着又須見徹自己本地風光方

為究竟此事雖人人本有但為客塵妄想所覆若不
痛加煅煉終不明淨圓覺經云譬如銷金鑛金非銷
固有雖復本來金終以銷成就蓋謂此也來教又謂
道若不在言語文字上諸佛諸祖何謂留許多經
論在世經是佛言禪是佛心初無違背但世人尋言
逐句涉溺教網不知有自己一段光明大事故達磨
西來不立文字直指人心見性成佛謂之教外別傳
非是教外別是一箇道理只要明了此心不着教相
今若只誦佛語而不會歸自己如人數他珠寶自無
半錢分又如破布裹真珠出門還漏却縱使於中得

全

小滋味猶是法愛之見本分上事所謂金屑雖貴落
眼成翳直須打併一切淨盡方有小分相應也其向
來雖不閱大藏經然華嚴圓覺維摩等經誦之亦稍
熟矣其他如傳燈諸語錄壽禪師宗鏡錄皆翫味數
十年間方在屋裏看到却無暇看經論也楞伽雖是
達磨心宗亦以句讀難通不曾深究要知吾人皆是
誠心非彼世俗自瞞以資談柄而已姑以日用驗之
雖無濁惡塵過然於一切善惡逆順境界上果能照
破不為他所移換否夜睡中夢覺一如否恐怖顛倒
否疾病而能作得主否若目前猶有境在則夢寐未

免顛倒夢寐既顛倒疾病必不能作得主宰疾病既作主宰不得則生死岸頭必不自在所謂如人飲水冷暖自知待制舍人於功名鼎盛之時清修寡慾留神此道可謂火中蓮花矣古人有言此大丈夫事非將相之所能爲也又云直欲高高峰頂立深深海底行更欲深窮遠到直到不疑之地來教謂無下手處只此無下手處正是得力處如前書所言靜處鬧處皆看一隻眼看是什麼道理久久純熟自無靜鬧之異其或雜亂紛飛起滅不停却舉一則公案與之厮崖則起滅之心自然頓息照與照者同時寂滅即是

到家也某亦學焉而未至也姑盡吐露如此不必他示恐儒釋不謀者必大恠之待制舍人他日心眼開明亦必大笑而罵之國史公多見宗匠

大川濟禪師荷法爲事猶介無當意者在四明寶陀有三句語曰寶陀一路來來去去撞著聲頭風波無數曰寶陀一玄掣臂揎拳打失鼻孔蒼夫蒼夫曰寶陀一妙無人能到喫飯着衣阿屎放尿住冷泉示寂遺囑撒骨不造牽堵說偈曰地水火風先佛記冷灰堆裏無舍利掃向長江白浪中千古萬古第一義真一代宗師之模楷起涓東之道者也

三 山陰清首座得心法於無用有極頌云含煙帶露已
經秋。顚顚通紅氣味周。突出眼睛開口笑。這回不恁
舊枝頭。諸方猶能誦。不知為清所述。或載為無用作
非也。

三 夢堂升禪師舉雪竇示眾云。立賓立主。好肉剜瘡。舉
舌舉拳。拋沙撒土。直下無事。正是無孔鐵鎚。別有機
關。定入無間地獄。拈去。這般漢。湏是具紹素眼。始得
活句下明得。堪與佛祖為師。死句下明得。自救不了。
且道。雪竇恁麼說話。是活句。是死句。待雪竇出地獄。
即向汝道。又云。達磨示眾。各言所見。小兒闖百草。到

處去尋討。黃昏闍罷。却歸來。不知狼藉教誰掃。平生
提唱。如人倫之有周孔。麟羽之有龍鳳。晚年閉戶。不
喜交接。衲子見之。如登龍門。音雲黽疾。禪林便軟暖。
道心淡薄。來參者掉頭不納。聞其容入室。則堂室為
滿。夢堂有之矣。

四 石田薰禪師曰。破庵老和尚言。禪和子室中下語。經
是知見解會。如何了得。湏是向言句外。臨時別有意
智去。離泥水方得。我舊時行脚歸去。與一同行在合
州釣魚掛搭。彼中亦是一員前輩尊宿。我去入室。再
三免我。不肯舉話。及至同行去。却不免他。但拈膝一

聲當作題題
切

下生院

下云你向這裏下轉語看同衍無語番番入室只是
如此問他同行云耐耐這漢番番只如此問我無可
應他你為我下一轉語老和尚云你待他今番又如
是問你但將兩指交鼻聲他一聲便出同行果去入
室依所教尊宿云有久教壞你了信知此事得底人
如兩鏡相似自然彼此不相瞞做工夫須是省要處
做令到這般田地方堪為種草
笑翁堪禪師行丐到泉南休于洛陽與一僕夫山行
偶至下生院古崖數十間廊卷風葉寂無久聲惟見
一老僧雪頂死眉負暄于殿陛徐起止客坐於僧堂

玠
方貪切

前破木床曰何所而來翁曰來無所來僧曰因什麼
在遠裏翁曰早晨喫白粥如今肚裏飢僧曰不是遮
箇道理速道翁指屋角樹曰好一株木得恁麼蒼翠
二人大笑相就語移刻始知老僧嘗見無用來雪峰
玠侍者言此甚詳惜乎老僧偶忘其名爾
鐵牛印禪師曰正堂辯和尚與日書記書云若要道
行黃龍一宗振舉切不可締章繪句是耀於人禪道
決不能行古有銚草堂近有珪竹庵更有箇洪覺範
至今士大夫只喚作文章僧其如奈何如公頌三日
耳聾與女子出定非徹見淵源何為至此勿以小

而礙大法道不獨明辯一己之私諸方宿老皆如此
議知我罪我在于此書萬萬察之此語切中今時之
病學者不可忽也鐵牛紀載誠有補於後學所謂草
堂諸老者見處非不穩當當時亦未免有此議嘉定
間薰石田博學能文痛自掩抑以此故也璩隱山初
見元城語錄喜甚携歸閱之未竟即掩卷侍僧曰何
初喜之遽棄之曰衲僧家念念常在乾屎橛上尚為
雜用心況世間議論文章乎此亦隄防之法當如是
也先德云學者漁獵文字語言正如吹網欲漏非愚
即狂

閩山居士俞景賢入浙通參知識後見鄧峰用首座
問如何是祖師西來意用曰我欲向汝道汝還信否
士曰請師道安敢不信用用曰汝要緊參禪不可問西
來意士曰何也用曰西來有甚意士豁然了解褫衣
便出用復召曰見什麼便出士回顧而用喝下喝
士曰住住便行自此歸里割棄親眷顛顛獨居嶼上
別墅述偈曰錯脚游河歷湖歸更無一法可思惟柴
門高掩長江上誰管風濤鼓是非用見誰庵
長樂瑤藏主曰向在南北山與元雙杉同住見其清
約介靜四威儀中不忘究竟已窮太事日間偏要尋

僻寂去處孤坐兀如枯株夜間睡夢亦提起古德話
頭若瞻語喑喑略可辨可見其做工夫精專純一那
時便知其必為法門大器也每思其久未嘗不面熟
汗下見於斷橋蒼雲谷手帖
嘉興府光孝石室輝禪師僧問明招見勝光纔跨門
光垂一足意旨如何室曰乞兒弄飯碗問只如招云
伎倆已盡拂袖便行又且如何室曰鉗鳥逆風飛室
久待明極後嗣無準性介烈貴勢不敢以私住慶元
彰聖官府利擾無節棄去府公聞之雖勉留不回矣
嘗掛牌首舉徑山其語穩實

國史陳公貴謙嘗在烏回與月林觀禪師夜坐林曰
如何是賓中主公曰頭腦相似林曰如何是主中賓
公曰橫按鎮錫行正令太平寰宇斬癡頑復隨聲曰
如何是賓中賓月林攜手而笑噫公之機辯猶可想
見也

無量壽禪師撫州人答太師史衛王云佛法在一切
處奏事書判處着衣喫飯處致君澤民處納土用賢
處第一不可擬心尋覓纔是如斯又不得也嘗首衆
鄱陽刁峰太師以京口金山招之不出即遁于隆興
感山晚年始赴台之瑞昌請是亦不失為比丘之大

體者矣

石田薰禪師曰既入佛門喫佛飯發夫門戶要又扶持亦須是箇漢始得况稱長老名既如此實當如何具向上眼目得大機用可以開鑿人天饒益後學方不孤負出世二字就中下機言之亦要識因果勤香火早晚禪誦不懈勦新補舊一切處運真實心方有少分相應不可坐方丈領見成勞者責人逸者歸已瞬息之間頭白齒黃前頭大有事在前輩長老時節因緣既至不奈何譬破面皮多是住院後却進得一步蓋不問院之大小衆之多寡千以萬人叢中亦如

此單十去處亦如此二六時中專以此道為懷長久工夫不間斷故能打發石田此語可謂毒藥苦口利於病也

潭州石霜竹品印禪師隆興府人道味苦嚴見者莫不肅然心服抑齋陳公韓帥潭日以龍牙福嚴招致皆不赴後以石霜請不得已而應命僧問如何是和尚家風崑曰問家風作麼問如何是佛法大意崑曰湘潭雲盡暮山出色蜀雪消春水來同門秀孤峰開無門皆推遜之平生機鍵頻密語言粹爽豈非親見月林之力歟

五
大川濟禪師嘗與弁山待老佛心弁山偶外輪不及
請假泊歸佛心曰阡兄兩白何往答曰未嘗出入大
川適在旁叱曰參禪人何得妄語弁山面赤汗下自
此尤謹語言昔昭默受死心責亦類此湛堂歎其特
良器也

五
平江府虎丘坊堂濟禪師曰毛髮爪齒皮肉筋骨髓
腦謂之地唾涕膿血津液涎沫痰淚精氣大小便利
謂之水暖氣謂之火動轉謂之風此四緣假合而成
幻身須有主宰始得何謂主宰試道看坊堂蜀人嗣
息庵與別浦癡絕頤頤一時惜壽俱不及癡絕也

枯菴和尚漫錄卷下

一
蒙庵聰禪師嘗歸福州謁水庵於乾元水庵問曰莫
是聰侍者麼蒙庵無名未竟水庵曰此事非聰明智
慧之所能辯如何蒙庵曰通身是口吐不出曰中毒
了也蒙庵曰莫掩彩他曰且坐喫茶茶罷水庵又曰
須知此事不在方冊上不在口皮邊蒙庵曰畢竟在
什麼處曰鐵蒺藜當面擲蒙庵曰大好不在口皮邊
庵便打蒙庵喝一喝而出蒙庵既得法於其落髮師
光晦庵以大父事雪堂復謁水庵於乾元見密庵於
烏巨水庵於淨慈誰庵於高亭始深徹淵奧是未嘗

一日無師友也欲其法道不昌可乎

無準佛鑑範禪師曰木平參洛浦便致一問云一漚未發時如何浦云移舟語水脉舉棹別波瀾平不契却往問盤龍一漚未發時如何龍云移舟不別水舉棹即迷源木平便悟去後來雲峯悅和尚拈云木平若向洛浦言下悟去猶較些子後來不合向盤龍死水裏浸殺住沒有問如何是木平平云不勞斤斧果然只坐在這裏你道他恁麼說話意在於何多見兄弟往往商量移舟不別水舉棹即迷源便是死水如何是木平不勞斤斧所以坐在這裏若恁麼會去驢

年也未夢見在遮裏須覩見他古人一此子得人憎處始得佛鑑此語發藥學者不淺晚年倡中峯之道於雙徑機用迅駛如擊石火閃電光即此語也不惟英雋麟集今上皇帝亦思問道紹定六年七月十五日御修政殿引見說法賜徽號金襴亦此語也豈有他術哉

伊巖王禪師嚴州人初稱名儒有篤行中年厭世舉業專究洛學忽曰是不可以了吾事遂裂縫掖雞黃髮學出世法登徑山謁老佛心而師事之父母所契沒往見癡鈍于雪竇依止三年一日忽明得即心即

佛語故有無毛鷄子貼天飛千山萬山高突兀之句
嘗看劉元城語錄云所謂禪一字於六經中有此理
但不謂之禪爾及達磨西來此話大行據此事不容
言則夫子不答是也且西來意不必問而話亦不必
答向上老和尚好玩弄人故以不答答之所謂栢樹
子者乃繫驢橛也後人不知只守了樹尋祖師西來
意可一笑也讀至此處曰若是當時得聽此語這裏
正好與一錘

真源曰禪師曰馮侍郎濟川張侍郎子韶問道於徑
山妙喜禪師師問隔物不見道時如何子韶對之曰

今日親覩慈顏妙喜云隔子韶云雖然如是瞞他一
點不得妙喜却問濟川對之曰不較多妙喜曰二公
對答非不親切但未見道如有一物頓在目前裏只
隔一重壁爲什麼不見禪和子說道道理便道十方無
壁落四面亦無門隔箇什麼饒你眼似銅鈴也須是
悟始得又曰禪和子檐板纔下得轉語未能依倚仿
彿便言我百了千當余頃見佛智老人亦曰妙喜橫
說豎說切中今時之病近來欺世盜名未得謂得通
相狐媚更相印受視東山直下不爲佛法罪人者幾
希斯言學者宜識之

東山源禪師曰：往年出嶺，初上徑山，其時枯禪做首座，立僧破庵西堂掛牌，一時龍象畢集，如石田無準，皆同在衆寮。破庵尋常室中偏愛舉經行及坐卧，常在於其中，如何是其中事？亦曾去請益他，了詞不措。臨起單，却作一頌相送云：換骨抽筋一句，只欠點頭。自許若能自解，知非便見平吞海宇。箇便是為父抽了釘，拔却楔。自此過平江，靈巖見癡鈍時茂業海做前堂立僧，今大慈笑翁育王大夢，皆在彼中同住。最席甚盛，癡鈍常云：詢佛燈四十九日夜，抱露柱悟去。次上蔣山，見泐翁因室中舉即心是佛，下語云：抱橋。

况

柱澡洗翁云：有什麼快活？下語云：請和尚放下着。被他打出後，復見巖雲巢皎中庵上衢州祥符，見殺六巖歷扣二十餘圓，知識看來無出應庵下兒孫直截緊峭，所以宗枝繁衍。烏摩東山於悟門雖大廓徹，猶如先聖得一善則拳拳服膺而弗失之矣。

真源日禪師曰：雪巢和尚入室問僧：不是風動，不是幡動，仁者心動，那箇是你心？又云：不是風動，不是幡動，仁者心動，你向甚處見六祖？又云：不是風動，不是幡動，仁者心動，是什麼動？發明臨濟之奧旨，證驗衲子之眼目，如運斧臨風之手，其妙在於一斷兩雪巢。

當金虜之亂曾與大慧同渡江者大慧笠中藏一金釵為路費時時視之雪巢伺其不意取而投諸江大慧愧謝與之結交真源嗣雪巢以草堂為太父故平生語言擬按有父祖風烈

隆首座號南山叟清源南安人也壯歲游方多見尊宿罷參後禮紫海塔偈曰紫火煎熬紫海乾尚餘劫石影團團我來笑罷天聲哭昔日船從此處翻掃癡鈍塔偈曰生若帶柄背時貧樹倒藤枯舊陣圖一代年來低一代灼然邪法實難扶南山與無隱雙杉荆叟同侍癡鈍為最久

西蜀保福晦岳暉禪師通泉白氏子嘗與肇諾庵道谷源開掩室同參松源密契真要歸里三主道場遠近敬鄉道化益盛散夏小叅云大智洞明十方融會騎聲蓋色邁古超今不可以寂默通不可以語言造是以大覺世尊於摩竭提國三七日中無啓口處及至四稜蹋地盡力提持只道得箇是法非思量分別之所能辯又道是法不可示言辭相寂滅任麼揭示譬若斷崖落石相似看者不容眨眼除是一念知非前沒際斷全体擔荷得去是真精進是名真法供養和來丁會靈山儼然未散如是時時禁足念念護生

又何必九十日中無繩自縛然魚如是初被蒙頭萬
事休此時山僧都不會語悉類此癡絕在蔣山題其
錄云大隨和尚道我參七十餘員善知識具大眼目
者只得一二其他皆具正知見予三十年前在叢林
中與晦菴游當時具大眼目者惟老松源一人而已
歲次庚寅仲秋其徒寶日携主東林提唱之語乞予
編次由是開帙縱觀一字一句造次顛沛皆有從上
大眼目体裁非徒從事於語言之末是知松源之道
盡在是矣烏喙去舌既遠師法益壞正知見者艱其
人大眼目者可知矣晦菴雖話行於吾蜀此錄流播

江湖是可為斯道之秋盟若善觀者始信吾言之不
妄癡絕亦有所激而云

福州聖泉岳翁淳禪師天姿軒特嘗坐夏雪峰值重
架齋山閣作偈曰夜半天崩地陷休一莖草上現瓊
樓儂雖先後不同步月幌風櫺一樣愁時競傳誦雲
巢無準向嘗與同行皆誠敬心服叢林間禪者與決
可否議論鋒發戲以禪判官呼之

潭州大焉泉山初禪師字子愚泉州陳氏子始業儒
稱鄉先生後因看趙州語有省剃髮受具遍參知識
為永庵高弟嘗記里之承天寺僧堂云承天太僧

堂無造百餘歲外嚴中蠹入莫知者住持了空櫛其
壞而新之施者樂役者悅不半年而成擁以照堂明
樓在前任其勞者道本從貴經始於秋迄事於冬了
空於是消辰率徒入而居焉寔嘉定六年十二月十
九日也比丘太初記僅九十二字西山真公典是郡
見而喜浚在湖南專書招之住鴻山二十年而寂
嘯巖蔚禪師示衆云一年三百六十日今朝恰是結
交時且道天衣將甚與久分歲拈拄杖云一不做二
不休爛煮石虎活剥泥牛已是蒲盤釘出了也卓拄
杖云三德六味施佛及僧法界有情普同供養若是

粘牙帶齒漢應笑家風冷淡一咬見骨底自然樂以
忘憂雖然如是明年更有新條在惱亂春風卒未休
嘯巖語言如嵇康長七尺八寸美音氣好容色土木
形骸不自藻飾人以爲龍章鳳姿天質自然也烏摩
可不敬哉

癡絕冲禪師曰予紹熙壬子出峽夏於公安二聖時
松源倡密庵之道於饒之薦福早曠艱於著衆適西
湖妙松源舉雲居首座曹源應選亦密庵之
嗣也聽其入門提倡有省遂投誠而住未幾歸侍司
曹源有信上龜峰之命復從其行留三年出

果虛席

淵源由虎丘而遷靈隱遯庵住華藏肯堂住淨慈
皆往從之松源在靈隱門庭孤峻八閱月而後得歸
堂九求掛搭必呵斥不得親一日忽曰我八字打開
掛搭他自是蹉過了當下始知昔在龜峰三年曹源
怒罵嬉笑皆爲久之方便也自此不疑天下老宿到
與不到瞞我不得已而隨緣放曠曹源順寂後二十
年爲久推出辦者不敢忘九六處所聚兄弟不可謂
無只是用翳睛法者少苦哉吾宗喪矣今年八十二
時卽將至扶病執筆直叙得法之由刻諸龕陰以昭
至信鴻祐十年庚戌歲也烏虜癡絕世謂其機用如

盤珠者且能益鑑光彩於其師歿後二十年方瑞世
真所謂色斯舉矣翔而後集搏九萬可立而俟也名
字不肯入他人夾袋中其識又過久所以聲轟一世
起中峯之道亦驗在此矣晚以五言示喪矣爲憂聞此
得不爲痛心者哉

十三

絕照鑒禪師因剃歸老上堂云相別一何久相逢只
舊時眉毛分八字鼻孔大頭垂諸方鍋兒太小杓柄
短長直是瞞他一點不得且道鎮州羅蔔頭無底藍
盛得幾箇喝一喝放待冷來看上堂云古佛與靈柱
相契第幾機南山起雲北山下雨金剛與土地神拈

背一擦骨出可謂家貧猶自可路貧愁殺人汝諸人
仰面看天開口取氣無非這箇消息因甚不覺不知
若也知去三世諸佛無容身之地苟或未然乾元留
取口喫飯卓拄杖下座大抵宗師家吐露自是迥別
雖然總是離言說相方見老絕照用處

石田薰禪師初到潭州禮石霜雷遷塔偈曰一念慈
容元不隔何須特地肆乖張平高就下婆心切惱得
雷公一夜忙名由此彰見破庵於蘇之穹隆聞室中
舉世尊拈花笑曰焦導打着連底凍赤眼撞着火柴
頭庵奇之石田嘗拈僧問馬祖如何是西來的的意

雲巢癡絕為擊節傳至徑山老佛心亦云老僧只得
避路

真淨大師德英建溪楊文公億五世女孫性聰善傳
會依達庵於其四威儀中有悟入徑上徑山投佛照
應對如飛蓬隨風照許以為再來毒種後說法於蘇
之朱明委蛻于常之淨惠自讚云自贊贊不出自盡
盡不成有箇本來相如何呈似人活潑潑本無生鼻
孔依然搭土簷叢林傳之癡絕跋其錄行世

十六
月窟清禪師福州福清人也少長因觀鄉閭者焚化
乃曰我願作佛終不為猛火所燒父母誚之十四歲

許以出家往湖州何山渡庵知為法器俾落髮受具
久無所證不皇寧息一夜見僧堂中放琉璃燈省徹
述偈曰琉璃放卡又放起一點光明常不已若人識
得這光明姐姐元來是阿姊謁迦庵于華藏值開室
欣躍而進復旋踵曰我是無罪人不入這地獄後與
迦庵酬酢水乳相合嘉定間江右憲使陳公貴謙以
臨汝天寧延之及赴何山請道聲益著平生氣尚剛
介厭喻合苟容多面折人叢林為之南整此衛護大
法者所當然也

清烈庵主天台人居臨安餘杭縣湖西山派氏庵年

已九十昏瞶眊耆晝夜惟枯坐將示寂具蔬飯會村
落百餘人叙相訣語同詣山頭引手長揖公龍趺坐
說偈云這漢無知說是說非奉頭豎起佛也難覓化
災自焚由頂兩肘兩膝五處熾然而起三昧火光五
色璀璨堅固舍利不可勝計寶所山主能詳言之烏
辜淨性心宗常光熾然無壞無雜周遍法界故烈公
將戲死生之際如此奇特豈非平生履踐之明驗歟
抑提多迦婆須蜜之發現歟

諸庵元肇禪師師範有規精上於道因雪上堂云普
賢昨夜呈醜一片寒光如畫可憐妙用此覓引得石

人笑髮且道笑箇什麼金鳥飛上欄干看你一場漏
逗頌仲冬嚴寒年年事云野老年來解放懷兒孫更
以酒相陪只知好景長時在不覺老從頭上來無愧
於師矣昔諸庵與開掩室結伴參松源源亦不倦針
劄故盡得其妙是不可無賢師友也足爲後學法
漢陽軍鳳樓古月相照禪師生緣東川廣安趙氏禮
祥南山主爲落髮師敏而疾見遍遊講肆所至奎席
忽棄所書歷闔而游依肯堂明得狗子無佛性話後
入破庵室見其作直視勢乃咄云野狐精破庵劈耳
一掌云畢歷不是者箇道理又應聲曰野狐精破庵

九

虎
極

又與一掌示以偈云一掌幾曾知痛痒回頭轉腦口
喃喃直饒舌似風雷疾也落機前第二三照嘉定間
出世唐興聖果後在鳳栖室中垂三句驗學者一和
蚤釣月句頌云傘水茫茫釣挺橫日盈月易未容分
謝郎不是絲綸客爭免時人錯見聞二截永停輪句
頌云正眼豁開天地窄機輪傳處海濤乾等閑撥出
驪珠現無限邪魔心膽寒三不入驢耳句頌云懷家
一勾分三句見馬逢牛舉似伊只此更無親切處眼
中聞得始應知順世時以後事囑咐即揚公恢曰微
乎孰有知予之心者楊公爲之嗟喟輟食特叙其語

謂春曾之硬不減破庵

春

寒齋林公公遇晚年遺外世俗造入宗門齋傍有隙地架草庵以延少林誠公而風雨佳時必過之二子同合侍立聽其談論余間與果藏主到庵亦竊預焉得祐丙午九月公以疾卒于家且書偈云五十八年熟睡且喜今朝瞥地試將老眼摩挲只這阿底便是張橫渠亦云學者但養心識明淨自然可見生死存亡胸中必然無疑寒翁得之矣

龍溪聞禪師初遊方到南康詣雲居至半嶺笠頭為風掀沿嶺而下尋至竺所有省住常之保安孤硬清

約僧問如何是和尚為久底句溪曰鵲鳩樹上啼僧曰某甲不會溪曰敲已響離喫飯去無準謂徑而直簡而峭者也頃龍溪道重一方衲子嚮臻堂中被位麟次夏丁早未解制多起單溪曰莫道諸人拄杖子時跳後五日山僧拄杖子亦時跳越五日沐浴陞堂歸方丈坐止茶毗進設利五色者莫計保安耆宿云思翁厚禪師福之石罍人賦性好聚稱人善晚進必悉力薦藉未開法時妙語已遍叢林住慶成踞室云這裏打開那邊塞路因其如此活膏肓起必死謝道舊去剎池邊松峯下幾回同步至懸崖岸得驢兒喚

峭

作鳥喝云是何話霸又云二月初一好箇消息桃花
煞紅李花煞白劍池邊楊大伯策中打失攔腰白直
至如今尋不得喝云有甚交涉又云冷坐守枯椿沒
轉身底多是違時失候一面寒澈骨親暢快底十分
和氣春風衲僧家兩眼如鈴嗔斗詬地詵弄神機風
雲自異儘教酹酒燒錢低頭賀歲風蕭蕭葉飄飄墻
頭桑條動柳條最苦北禪唱村田樂烹露地牛波波
挈挈怎奈伊何惹得人收皮角笑裏藏刀吐清平世
界不用干戈誦此如飲玉粒自然使薄髮落於鬢杜
樵可謂得其傳矣了知法乳一源無異味也

辟支巖主立堅三山漢溪人也初以雙線為活倏省
覺入應林山中休粮居于大樹下妻子追捕之急遂
剪髮過蒲之囊山辟支巖道焉後亦從檀施為僧得
祐間郡守林侯希逆延以龜山陳沈二禪道場迫而
後就未幾思舊巖與同道書云夫稱住持者作衆楷
撫代佛揚化素無道德言行之譽未知仁義禮法之
由草座麻衣木食礪飲且以為愧推向人前實何以
堪拂衣徑歸堅之出處於緇林亦有助云

東谷光禪師風神清拔有精識見祚明極與實齋將
公為法喜之游蔣錄西庵三偈以寄和酬云莫道西

庵小了無邊與裏還他親到來一一方分曉莫道西
庵靜鐵牛吼聲震露柱與燈籠點頭相共應莫道西
庵窮空際復吐空相逢金粟老瞋月鼓春風住靈隱
已罷勸盂然笑東澗湯公漢祭以文曰維東谷師昂
然鶴質作冷泉主曾不多言示病已早示疾何疾我
雖乍識開口吐實問訊殷勤迹疎情密忽遣手書古
盡名筆書來告行覽之自失諦觀點畫宛然適逸是
過畫人生死齊上而我九情悲涕為出雪滿湖山羸
馬難叱聊持瓣香往吊其室一時講道相往來皆名
公卿是日同入于門

疾藜曇禪師初居湖州普濟荒寂如傳舍夙夜自對
聖僧坐禪九九年後住蘇之穹隆門風愈高峻甚有
入者室中常去穹隆有句子衲子下語不下語一例
打罵無準時在會中為藏主少忤被趂出且曰教他
住徑山却來見老僧後無準住徑山因遺漏行丐吳
門疾藜猶在虎丘二老相見撫掌大笑

鎮江府金山掩室開禪師成都人也遍歷諸肆忽然
不樂欲出嶺了太事樞使安公亦勉以偈曰吾有大
患為有身是身假合亦非真維摩示病元非病好向
南方更問津室抵番禺東湖值松源開室聞舉明眼

衲僧因什麼失却鼻孔言下領解一日連案僧見其
看經問曰向後得座披衣如何爲久室將經度與僧
僧將經擲于案室復取朗聲誦僧休去嘉泰辛酉始
赴廬山雲居請未幾勅補金山如藍田法語皆參禪
捷徑平生所接又獨得佛海天昌松源之道
雙松元禪師踞室云報恩方丈百無一有贏得爲久
推門入曰示衆云衲僧家不知月之大小歲之閑餘
製着三角粽子便道是端午忽被報恩移上一日背
他只管半疑半信今朝依舊點盞茶與伊濕口轟然
咬破草蒲出身冷汗朱聲道誨福建子激惱殺人大

衆這箇豈不是通靈藥三十年後切忌拈却嘗入三
門去開市門頭有箇入處只爲諸人見頭了也新長
老因行不妨掉臂顧視太衆去陪我來也雙松只據
目前信手拈來無非青黃妙劑換骨法起死方何必
他覓哉

荆叟珙禪師作夏靈巖時癡鈍俚其看徇子無佛性
話言下領旨因與潛無隱通吐無隱曰是則是只是
命根未斷更須出去見又始得且囑其謁淳庵叟至
華藏半年無所得一日忽聞火板響凝滯釋然告於
淳庵庵即鳴鼓開室叟趨入庵問如何是佛叟曰坐

拖開藉路問如何是法叟曰秘酒醉人多問如何是
僧叟曰鉢盂口向天庵曰未在出去後叟在癡鈍室
中聞舉如何是佛震聲答曰爛冬瓜且述偈曰如何
是佛爛冬瓜咬著水霜透齒牙根齋雖然無害子一
年一度一開花荆叟處衆時得無隱雙松力尤多
福州雪峯北山信禪師本州人性方嚴機迅敏初學
見之應對多失次在鼓山時有僧相看山問近離甚
處僧曰西禪山曰西禪有何言句僧曰話墮也山曰
你甚處學得遮些子來僧曰今日不合觸性和尚山
拈拄杖便打僧奪拄杖軒渠大笑而出遂請製茶傳

是老宣首座去矣初北山同月窟過浙見遊庵於華
藏月窟先有契證故山得咨決之後歸里訪明晦室
分座鼓山漳平趙公以夫聞其道以南寺招之山遂
謝曰公聞之過使三友乃行開堂爲同行月窟拈香
時論高之

枯禪鏡禪師天資淡薄一無嗜好惟與衲子提撕敲
磕不倦有問如何是祖師西來意枯禪拍禪床一下
令人吐露語言千古皆不能得到前輩地位且利害
在什麼處會麼

癡絕冲禪師嘗赴福州雪峯請與尚書陳公韓有宿

索之雅招飯松策以項王像求讚即拈筆書云拔山
非力蓋世非氣八千子弟同謀共濟人皆謂天下大
器不可以力爭必先仁義殊不知天假其手以誅暴
秦然後使寬仁愛人者之爲帝吁其亦有補於斯世
公大奇之癡絕慧辯恢廓此特緒餘爾

介石朋禪師秦溪人性高簡僧曰寶劍未出匣時如
何荅曰杜鵑啼處花狼藉僧曰出匣後如何荅曰今
又長憶李將軍僧曰出與未出時如何荅曰劍去久
矣汝方刻舟解夏夜參云九旬禁足網禽宿巢三月
安居驅狐守塚向生殺不到處見三頭六臂掀翻圓

冷泉

覺伽藍猶是抱椿打泊浮雲黃山前雙檣樹下九十
日內風以時雨以時二六時中少不添多不減一年
三百六十日日日安居時時自恣圓者自圓方者自
方長者自長短者自短未免淨地揚塵畢竟如何大
鵬展翅天路遙巨鼈轉身海水窄示衆類此晚年寓
杭之冷泉扁其室曰青山外人景定間丞相秋壑賈
公元崇敬佛法與奏得旨住淨慈後淮海亦繼其席
皆起於涓東

石田薰禪師曰薰上座住靈隱亦是不奈何被人東
拶西拶拶到禪床角頭因避不及只得爲祖師有箇

門戶壁破面皮出來喚作此地無朱砂赤土以爲正
雖然看却今時漸漸赤土也無了漸漸食泥食土說
著直箇令人寒心噫志於道者聞此當如何哉

雙松元禪師嘉熙間乃石田堂中第一座上丞相書
言朝廷新指揮買師號金環象簡不便書云正月十
三日景德靈隱禪寺前堂首座前往持嘉興府天寧
寺僧中元謹熏沐獻書樞使大丞相國公竊以爲佛
老之教救世計也其所以與儒道相參於天地間以
能開悟性真不墮邪見其功未易量也我朝太宗
皇帝嘗曰釋氏之道有補教化孝宗皇帝亦曰以

佛修心以老治身以儒治世斯可也張文定謂儒道
淡薄一時聖賢盡歸釋氏而閩洛諸公亦必玩味釋
氏之書而後能接續洙泗不傳之秘然教必有主必
有師國家以度牒許人承買凡有僧者各尋師以爲
依歸師苟有道行則可使迷者悟塞者通其裨助世
教要非小補近世貨賂公行求爲往持者吾教之罪
人若以例傳天下之賢者必深藏遠遁而已其肯出
而爲師夫師廢則正法微正法微則邪法熾以清淨
之門而爲利慾交征之地非國家之福也譬如家塾
黨庠不能無師不求其能傳道解惑者爲之而惟賄

是視則弟子何以仰孔明之教亦幾乎熄佛老之道
何以異是若謂佛老之徒身居大廈日享膏腴不蠶
而衣不耕而食為世所嫉然天下之人有無用於世
而坐享膏腴之奉者尤衆何特僧道寺觀創立常住
供養非官與之也以衆人樂施而與之也寺觀有田
稅賦尤倍又有非汲不時之需正與太家相似今既
買度牒以錢免十文增以錢官府無絲毫之給而徒
重責其利於無窮則僧道可謂不幸矣國家愛惜名
器泛濫何以勸勵天下僧道若以賄得金環象簡得
諸處住持則囂頑無賴之徒皆以賄進何以整齊風

俗況寺觀雖多其常住闕乏者甚多縱使此令一行
第能率歛寺觀之大者其小者亦豈能應其求如此
則所得能幾况僧道非能自出已財求為住持必將
取之寺觀師徒相殘常住必壞所謂膏腴將見無穢
所謂大廈將見為丘墟所謂溫飽將見為凍餒部曲
有誰誰將讀之歲雖有丁誰將輸之今日軍需糴本
稱提諸券無非鬻爵鬻爵之者或累於國牒之多者
無病於官乃循一時不卹之事漸喪千萬載之利源
殆非理財之長策也伏觀近降旨揮增錢鬻爵職者
病乏事不果特總所今未陳請正亦類此伏望鈞慈

詳酌利害特_有敷奏盡行竊罷服號之命令僧道不勝幸甚伏惟鈞慈俯賜鑒念不備時江西繁無文亦有書先是朝省因總領岳珂奏乞降紫衣師號二等賜金環象簡并四字禪師法號以住大寺觀每賜服師號綾紙出賣三百緡仍附品官條制非有官不得差注非有賜服不得住持此書上事果寢豈非秘護大法者之用情乎雙松住山能極枯淡專上行道若機簡堂私居魚處暗室如臨大賓似證老衲此亦括人律已又見於微細者也賢矣哉

枯椿曇禪師清介寡言瘦坐竟日開法越之大禹寺

亦出澗東僧問和尚未見佛心時如何答曰人貧歸道問見後如何答曰色窮歸覺嘗舉現成公案道得也三十棒道不得也三十棒侍僧曰望師慈悲開箇方便答曰將謂你是箇出庵良駒僧有省枯椿問人後住姑蘇虎丘縑素翁然宗之

雲巢巖禪師訓學無倦且能折節下士慰藉良厚雋彦皈之開爐日示衆云是句亦刻非句亦刻雪峯輟毬睦州檐板惟有趙州老漢向火爐頭拈起香匙火筋東撥西撥忽撥得一塊恰是饒州景德之家壁角頭多年破磁碗三卅如來只管看連庵曰此語酷似

父翁松源

南翁明禪師初入衆時便能決志參禪嘗宿天台石橋遇異僧指令其見老佛心翁太白投誠預其法席然室中纔開口便被叱私自念曰今生不了則有來生已而泪下交頤後在病鍾會中爲侍者晚參侍立聞鍾鳴鍾曰什麼聲翁曰鍾聲鍾曰聲來耳畔耳往聲邊翁薄遽未答被大叱汗流浹體始自語曰元來浙翁平日叱罵我皆是徹骨徹髓鍾尋常只令其看百文野狐話一日鍾曰不落不昧時如何翁應聲曰不落不昧鴛鴦一對水上浮沉如意自在鍾撫而即

乏翁泉州黃氏子與隆南山同出嶺者歸里住溪上教忠至住莆中囊山方入寂

西山亮禪師福州人枯硬儉約嘗蓄紙抄一張補粘殆遍寒暑不易由鼓山首座寮赴雲門請及遷黃檗未嘗別換侍僧一夜潛以絹裹易之亮驚曰責曰我鮮福平生未嘗取服練素況此被相隨三十年矣其可棄乎聞者謂其住山有古人風後退席入永陽鴈湖山中與道者刀耕火種莫知所終

平江府萬壽訥堂辯禪師寄同來偈曰猿與龜交割不開兄呼弟應似忘懷及乎話到諸訛處知道心肝

不帶來時亦稱之後八坐道場提倡如阪走丸真不
忝為巖獸之子岳龍之孫也

介石朋禪師曰別峰珎和尚返鼓山詣育王候見大
慧一蒲團於佛殿後坐七十九日因秦國太夫人請
大慧陞座私自喜曰今日得見必矣果得見語合
室中復投三轉語而去大慧大奇之遂與宏智同舉
之住岳林今寺中有塔存焉別峰徧身有長毫時號
珎獅子介石題其墨蹟略言如此別峰既得法於佛
心才高路雄席道顯著矣復勇於求見妙喜其意謂
何不可與璞齋遲遲其行同日而語此所以為一代

此字

宗師之標準也噫今只欲一後學七十九日候見尊
宿亦難矣

守微庵主甫人蒲年具戒居囊山下巖就巖縛屋聊
蔽風雨父為郡胥吏歲給以糧凡客至不論問佛法
世法皆略目視之有僧問如何是庵主家風忽答大
就巖縛屋縛澗煮藥問忽有久問西來意如何抵對
懋反袂哭云苦屈觀其雅趣探其幽旨非契如之流
亞歟

石溪佛海月禪師曰余年三十方再南聞空叟有言
二十行脚此事休也初得此語心甚不平過之聖座

元凡案間見窮空語擊雲兩語墮於光明寂照中便有歇泊地頭及登既峯旬日間超像入室先師舉達磨華在熊耳因甚隻隻而歸余對以一點水墨兩處成龍復一日龍袖拂開面目全露遂倒跟四載然後江之南北浙之東西親師友味甘苦動轉施為未嘗向背今又三十年尚未能依條彷彿信知此事大不容易休也二字真五之一知識也見於示秀上人語今學者多見之而不思之可悲痛也佛智老師跋其錄云石溪未離雲頂行脚未到處要須到既見雲居開口不得處要須道執侍半年如矢在弦上矢而不

自發至於龍袖拂開如箭在的中發而不自知雖然早年見松源于北山下是此話已行若謂開得口後方有此錄腦後猶欠石溪一錐在焉佛海親證悟法門於斯見矣語雖不多大有控入入處不可不錄王孔大福州徑江人太學博士宗合猶子年二十發削髮上春官不售辛亥歲毅然効古塔主之風裂冠剪髮依蒲之辟支巖主立堅修社多行已而人有知者益上絕巔編茹居焉父母勸勸不面甫二載聞泉南明教忠法道焚庵詣之獻頌云燒却山頭破草庵不圖避塵不咨參依師別也無貪著惺惺栽田也要

讀時教忠於風亭通衢開接待庵孔大泯泯衆底折
節服勞施主聞之勸為大僧改名惟王教忠亦嘗有
偈示之云老我居山已許時着衣喫飯只隨宜子來
將謂有奇特笑倒東家小廝兒後亦有發明但不久
往世而寂初終與祖麟楊道者略相類烏辜惜哉
西巖惠禪師示衆云彌勒真彌勒水銀無假分身千
百億阿魏無真長汀子來也眼生三角頭峭五嶽好
未必好惡未必惡布袋頭開山隈隈催催骨骨帶董
輕如毫毛重如丘山拈得便擲掣得便用豎拂子云
猶是堯率隋天底只如彌勒未生已前如何剖露擊

承云收拾雨聲歸舊樹放教秋色到梧桐題五祖六
祖像云恨殺此頭陀山磨恨不磨吾今檐頭重為汝
種松多西崑三十餘年佛鑑裏所得底拈出示人無
有滴滲漏後三十年點眼藥也

丞相鄭公清之嘗謁妙峰善禪師堅定峰曰相公留
心此道還有歡喜處也無公曰且坐喫茶峰曰不是
心不是佛不是物相公作麼生公曰低聲低聲峰曰
也須子細公曰描不成畫也畫不就峰默然老
師嘗言此因識之

福州越山法深禪師本州人未落髮時已有見處依

月窟於梅嶺得度浙遊至雙徑無準一見而盡之俾
掌翰墨議者以其年杪未稱職為遠上座起告云未
後一著始到平閑山遙水遠火冷雲寒啞不是羈縻
眼活進退一步也大難大難教始伏膺歸里居梅嶺
十餘年自號雲山畊叟樞相鄭公性之尚書陳公韓
間告曰相與講道白郡致主釣臺寶祐間遷越山未
幾而逝故名不顯著

祖昌庵主不知何許人隱於天目山中結庵取陳墳
約二十餘里雙徑榮首座嘗遊山中偶至其庵荆棘
蒼密牆壁傾斜昌頽然於路口倚杖而立雪眉霜鬚

壞衲弊履人物可畫且欣然揖入共坐榮現不右瓶
無儲粟竈有餘釜心甚異焉問居山今幾年遂稱名
答曰不記年矣益奇之問糧食誰供答曰仰給陳氏
今無矣問何不行脚去答曰達磨不來東土二祖不
往西天問如何是隱者家風答曰猛虎一聲山月高
遂屏息不敢復問少焉昌出茗葉令掬水啜之徐叩
雙徑歷代尊宿咨嗟久之蓋嘗見典牛塗毒來若言
其見前輩不翅百齡矣又曰路遠且即歸明年拉同
道訪之已失其處豈非世出世間之異人者耶雙當
於懶殘西山亮輩中求也

溫陵黃允字孚中晚年喜參請知罪福嘗言昔為護國主首撰開堂疏曾受其潤筆資作懺悔疏備元物詣手供設還謝敘事簡核略云譚長老之住護國劉大卿之守溫陵允也時預計偕當趨省試開堂撰疏難逃府命之嚴潤筆貽資實出僧儲之有昔為貧而受也今如數以還之二十三年常作懷慚之客七十

五稔方成了事之翁聞者嗟服

平江府開元別翁甄禪師西蜀人也初入閩見枯禪悟其機用後從遊癡絕得其至要淳祐間開法衢之南禪臘入上堂舉世尊正覺山前夜觀明星忽然悟

道乃云奇哉一切衆生具有如來智慧德相但以妄想執着而不能證拈云釋迦老子未觀明星以前不妨令人疑着既觀明星之後說出許多不才淨心肝五臟總被別人觀破還有為釋迦老子作玉底麼別翁徒有此語只知釋迦老子心肝五臟被別人觀破殊不知別翁心肝五臟又被別人觀破了也



終不決限能公相王卿又新限人應如了也
能新有出語只味輕咬法子必相王卿新限人應如
王卿新限人應如數有為輕咬法子并王卿新限
故今人鍊音為輕咬法子星之發讀出指多不卡筆必相
懸持音而不論語味云輕咬法子未應即星以前不
道又云倍結一吐聲主具有咬來聲慧新時即又安

東福善慧院



